

Laj Legliz Efèz La

60-1205

Jeffersonville Indiana, Etazini

Seyè a beni ou.

Èske yon moun isit la ap kondwi yon—yon Dodge, yon Dodge nèf, nimewo plak WX-2129, ki estasyone lòtbò lari a la? Li kite limyè yo, ak tout gran limyè devan yo, limen. E si moun sa a ap kondwi machin sa a, ebyen, glise soti epi etenn limyè w yo. Se jis sou bò gòch lari a, desann drèt nan Wityèm Ri. Mwen devine ke se yon nimewo New Albany, WX-2129. Yon Dodge wouj, Dodge nèf, sa se omwen yon 59, 60, oswa kèk kote bò la. E mwen pa t konnen si te gen yon moun isit la oswa yon moun te jis...soti yon kote. Oke, se te sa. Alò, sa, se yon bon bagay. Kounye a, mwen pa pral di se jis medam yo ki blyie sa, paske mwen fè sa tou.

2 Ebyen, li sètènman bon pou nou tounen ankò aswè a nan sèvis la, epi pou nou gen bon tan sa a ansanm alantou Pawòl la. Èske w ap rejwi de sa? [Kongregasyon an di: “Amèn.” —Editè a.] O, se vre, nou jis ap pase yon bèl, bèl moman. Epi kounye a nou gen konfyans ke Bondye ap ede nou kontinye.

3 Kounye a, frè m lan t al chache yon tablo nwa isit la, men li—li twò kout, li jis pa rive ase wo. Alò demen, ebyen, mwen pral eseye ranje l isit la, balanse l moute pi wo epi fè li konsa ... Mwen vle trase kèk diferan bagay ke mwen ta renmen eksplike, alò ou ka jis...e jis asire w ke ou reyèlman jwenn Li.

4 Te gen...Yè swa, oswa se te yè, ti pitit fi m lan, Sara, li te on jan janti. Manman ak mwen t ap gade sou ti papye l la; li t ap pran nòt mwen yo. E li te note tout bagay byen jis, Ezayi ak Matye ak tout bagay. Epi alafen papye a—a, li te gen “E—e lanmò...Tonm pa t gen okenn viktwa ankò nan li, e piklan lanmò a te rale soti.” Li gen anviwon sèt an. Epi li olye pou l ekri “Revelasyon,” li te di: “Liv revolisyon yo.” Ebyen, sa montre yo enterese pou eseye jwenn yon bagay, de tout fason, èske se pa vre? Mwen panse

ke ti fi frè Collins lan, li chita dèyè a la, epi yo te ekri (“Revolisyon”?), “Jou revolisyon yo,” Frè Neville di. Li dakò avèk li. Mwen devine nou tout dwe fè sa.

5 Ebyen, nou reyèlman gen yon gran tan. O, la la, Seyè a ap beni. Mwen te antre pou etidye maten an, nan yon chanm, jis touswit apre mwen te fin mennen timoun yo lekòl, epi mwen jis te soti toutalè a; mwen jis te gen yon moman mèveye. Yè swa, mwen te etidye on jan an reta, tou.

6 Epi anviwon dezè edmi nan maten gen kèk moun ki vin soti nan nò, yo jwenn nou ...te leve m pou m priye pou yon ti fi ki t ap mouri. E mwen sèten ke Seyè a pral kite l geri. Yo jis desann, sou tout wout la soti nan Bedford, Indiana, pou fè demann lan pou ke yo lapriyè pou ti fi a lè sa a. De mesye te nan sèvis la yè swa epi yo te kondwi sou tout wout la jouk la a, answit sou tout wout la tounen desann, epi sou tout wout la tounen ankò. Pwobableman yo kondwi tout nwit lan. E alò, li bon pou konnen ke gen moun ki gen kalite konfyans sa a epi ki kwè Bondye.

7 O, se yon gran jou ke n ap viv. Epi n ap tann kounye a, laj legliz sa yo, jis pou nou jwenn pi plis.

8 Kounye a n ap eseye kòmanse jis yon ti kras bonè chak swa, alò nou va pati bonè. Ou renmen sa pi byen? Epi sa pèmèt moun ki gen pou travay yo rive lakay yo pou yo ka al travay. Yè swa nou te soti nan apeprè senk, dis minit apre nevè, oswa omwen mwen te fini. E alò nou kontan gen tout minis yo ki vizite nou aswè a. Epi mwen—mwen...Frè Junior Jackson, Frè Carpenter, ak frè nou ki soti nan legliz laba a, ak anpil lòt ki sou estrad la isit la ak deyò nan reyinyon an.

9 Epi yo te di mwen jodi a ke yon zanmi mwen trè presye ki te avèk mwen nan chan misyon yo, Frè ak Sè Andrew ki soti byen fon nan Lachin, te nan reyinyon an yè swa. Ala yon bèl moman nou pase ansanm nan Jamayik lane pase a. Nou te pase yon bon moman, mwen te moute lakay yo. E o, la la, si...M ap mande m si Frè ak Sè Andrew prezan isit la aswè a nan—nan reyinyon an? Bilding sa a pa bati byen jis, alò...Wi, yo chita byen lwen dèyè a. M ap mande m si nou ka jis fè otan kanpe sou pye nou, Frè ak Sè Andrew, jis yon moman. Seyè a beni nou. Nou tèlman kontan wè nou, Frè ak Sè Andrew. Mwen te envite yo vini lane pase lè mwen te laba.

10 Kounye a, mwen pa di sa paske yo preznan (mwen te pral di plis, men mwen p ap di li kounye a), men yo se sa mwen rele vrè misyonè. Si yo vin demen swa, m ap fè yo pale isit la jis anvan nou antre. Mwen vle nou tandé kisa vrèman yon chan misyonè vle di, lè yo te sitèlman lwen anndan an jouk yo pa t menm gen anyen pou...Ebyen, y ap...Mwen panse ke sa fè dè zane e dè zane e dè zane yo te tounen la, e yo pa t janm menm wè yon otomobil oswa yon tren, oswa nenpòt lòt bagay, pandan dè zane e dè zane. E

ki jan Sè a ta fè pen yo soti nan ... Ki jan li ta bat li. Epi ... Kounye a, sa se vrè misyonè. Frè Andrew te gen yon zegwi ak fil e li te yon doktè, li te koud yo tout lè yo te blese. E mwen panse lè timoun lan...timoun yo vin fêt, Sè Andrew te pwobableman fanmsaj epi Frè Andrew doktè a. Moun yo te jis depann de yo.

11 Epi lè misyon yo...soti nan Angletè, Misyon Pannkotis nan Angletè, yo te di yo ke yo te “twò granmoun pou yo tounen nan chan an,” (Mwen pral jis di nou ki jan de misyonè yo ye, yo pa t ap pran okenn chèz boure pou yo chita) yo tounen dwat pou kont yo, yo tounen nan Jamayik e y ap fè zèv misyonè kounye a. Frè Fred Sothmann ak mwen isit la te gen privilèj pou ale lakay yo epi vizite avèk yo, e ki bèl moman yo te montre nou; osi—osi dous ke Kretyen yo te ka ye. E m ap di nou, mwen pa di sa a... Mwen ta pito ba yo yon ti flè woz kounye a pase yon kouwòn apre yo fin mouri. Mwen di nou, yo reyèlman Kretyen. E mwen di madanm mwen ke Sè Andrew te youn nan pi dous, pi janti fanm Kretyèn yon moun ta ka janm rankontre. Li jis... karaktè li modle nan Kris la, tou; epi Frè Andrew tou. Alò, mwen sèten si nou tout te wè sila yo ki te jis leve kanpe yo, mwen te vle tout legliz sa a sere yo lamen epi tandé yo anvan yo pati.

12 Bon, demen, si Seyè a vle, ebyen, nou ... demen swa n ap kòmanse nan dezyèm aj legliz sa a. Aswè a n ap kòmanse sou premye aj legliz la. Mwen sèten ke Seyè a gen yon benediksyon rezèv pou nou.

13 Epi sonje, jan mwen te di déjà, pafwa sou bagay sa yo nou ta ka pa dakò sou yo osi lwen ke—ke teyoloji a konsène. E pi fò nan dat mwen yo mwen pran yo nan men istoryen otantik, ki reyèlman pa enterese pran pou okenn pati, yo jis dekri reyalite, kèlkeswa sa li te ye a, sa legliz yo te fè. E mwen...Natirèlman, pati Divin nan entèpretasyon an, mwen eseye plase 1 la mwenmenm, omye ke mwen konnen ki jan. Epi pafwa si m pale on ti jan di oswa sevè konsa, mwen pa vle di 1 fason sa. Tout moun konnen sa, moun ki konnen m, ke mwen pa vle fè sa. Mwen jis vle...Men pou m fè soti yon pwen, nou...Jis tankou anfonse yon klou nan yon planch, si ou jis tache 1 la, li p ap kenbe. Ou dwe anfonse 1 desann epi klike 1, pou fè 1 kenbe. E se sa ke m ap eseye fè. Alò se pa ke m ta eseye an dezakò, paske mwen pale pou tout denominasyon e latriye, alò se pa...sa.

14 Mwen toujou di, tankou make betay. Mwen sonje dè zane pase mwen t ap mete yon jou lè yo te...se te rasanbleman prentan an, pou te mennen betay la nan forè a, e mwen te ede kondwi bét yo jouk la, sa yo te rele kloti separasyon bò kote patiraj Hereford Asosyasyon an nan Troublesome River Valley a—

a. E mwen te chita la ak janm mwen pandye sou kòn sèl la, ap gade gadyen an alòske li t ap siveye bêt sa yo k ap pase nan kloti separasyon an.

15 Kounye a, ou dwe genyen ... se lè sa a ou pral sou pwopriyete gouvènman an, epi ou dwe kapab pwodui yon tòn zèb anvan ou ka mete yon bèf sou patiraj la. Epi chak ranch pwodui anpil zèb, anpil bèf, lè sa a yo ka aksepte yo.

16 Kounye a, yo t ap pase la avèk tout kalite mak sou yo. Kèk nan yo te gen "Bar X la." Mesye Grimes ki jis akote nou an la te gen "Diamond T," yon T sou yon bout dyaman. Te gen "Lazy K," jis anlè tèt Troublesome River. Pa nou an se te "TurkeyTrack." Jis anba nou se te "Tripod." Epi te gen tout kalite mak ki t ap pase nan pòtay sa a.

17 E mwen te remake gadyen an pa t janm pote anpil atansyon sou mak sa yo, li pa t janm gade yo. Pafwa yo te sou bò gòch bèf la, alò li pa t kapab wè mak la. Alò li—li pa t ap gade mak la. Men yon sèl bagay li te asire l, ke pa gen okenn bèf ki te pase la amwens ke li te gen yon étikèt san nan zòrèy li. Li te dwe yon ras san pi Hereford sinon li pa t kapab ale nan forè sa a. Mak la pa t fè anpil diferans, men se te etikèt san an. E mwen panse ke se sa li pral ye nan jijman an. Se pa pral ki mak nou pote, men Li pral gade etikèt San an, "Lè M va wè San an, M a pase anlè tèt nou." [Frè Branham pale ak Frè Gene sou sistèm mikwofòn lan —Editè a.] Kounye a, èske mwen jis gen yon ti tò, Gene, èske se sa? Rebondisman. Oke...Se yon transpozisyon ant toulede, se vre? Oke. Mèsi Frè Gene. Oke.

18 Kounye a, nou pral eseye soti bonè ankò aswè a, pou nou ka retounen demen swa epi pran aj sa yo. E m ap di nou, se tèlman difisil pou m retni kèk nan gwo bagay sa yo ki kouche la sou bò wout la; mwen jis eseye fè yo soti tout nan yon sèl sware. Ou konnen, sa se on jan nati pa m, men nou dwe jis gade yon ti kras pou chak swa.

19 Kounye a, jis anvan nou kòmanse louvri grand Liv la, m ap mande m si nou ta ka jis kanpe pou jis yon moman pou...Chanje pozisyon w...kòm nou leve kanpe, sila yo ki kapab. Epi ann bese tèt nou kounye a, solanèlman, pou yon mo priyè:

20 Papa nou ki nan Syèl la, n ap apwoche ankò gwo Twòn Sen W lan, n ap vini san lafwa nou pa ebranle, paske n ap vini paske yo te mande nou pou n vini. Nou pa t kapab di ke n ap vini nan non yon sèten legliz oswa yon denominasyon, oswa nan non legliz sa a, oswa nan pwòp non nou, paske nou pa t ap sèten de sa, si nou ta ka jwenn odisyon sa a avèk Bondye oswa non. Men lè Jezi te di nou : "Nou

mèt mande Papa a nenpòt bagay nan Non Mwen, M ap fè li,” Epi nou konnen nou vini nan Non Jezi a, Ou pral tandé nou, Papa.

21 Nou tèlman kontan lè nou li sou mati yo nan tan pase yo, ki jan yo te sele temwayaj yo ak pwòp san yo, lè sa a, Papa, sa fè nou santi ke n ap fè tèlman yon ti kras bagay jodi a. Epi mwen priye Ou, Seyè, pou Ou padonnen neglijans nou—nou—nou yo, kòm nou ye, nan zafè Ou. Epi nou priye pou W wenn nou de nouveau pandan n ap li nan Pawòl Ou a, epi wè soufrans ki te pote nan jou ki pase yo pou konstitye kanon gwo Legliz rachte sa a de Bondye vivan an.

22 Mwen priye Ou, Papa nou ki nan Syèl la, pou Ou pale aswè a atravè nou paske nou pa konnen kisa pou nou di; nou jis ap tann epi n ap mande priyè sa a isit la paske nou nan prezans Bondye nan Legliz Li a, epi nou mande pou Sentespri a ki sou moun sa yo ini pwisans Li yo ansanm aswè a epi souke Levanjil la nan chak kè, ki pral ban nou yon nouveau pozisyon ak yon nouveau espwa pou laj la k ap vini an. Akòde li, Seyè, paske nou wè pye fig la ap fè boujon li yo epi pèp Izrayèl la vin tounen yon nasyon, epi jou Moun lòt Nasyon yo ap disparèt epi yo konte, epi n ap chèche vini gran Redanmtè a, Seyè Jezikri nou an.

23 Mache nan mitan nou, Seyè. Jan sa te di aswè a : “Ou mache nan mitan gwo lanp sèt branch yo,” kifè mache nan mitan nou aswè a, Seyè. Epi avèti kè nou sou sa ki mal la devan nou, epi ban nou konpreyansyon sou Pawòl Ou, paske nou mande li nan Non Jezi. Amèn. Nou ka chita.

24 Kounye a, jan mwen te di chak jou, mwen eseye pran jis otan ki ekri sou papye ke mwen kapab possibleman, konsènan tan yo, plas yo, e latrìye, paske se yon evènman istorik ke n ap apwoche. Se te yon istwa, e kounye a n ap vini, tou, e n ap fè li koresponn avèk tan an.

25 Kounye a, dimanch maten ak dimanch apremidi ... oswa dimanch swa, pito, nou te pase yon tan gloriye. Mwen sèten ke nou te genyen l. Mwen te genyen l, mwenmenm. E de Revelasyon an...

26 Kounye a, kisa n ap etidye? Revelasyon Jezikri a. E kisa nou te jwenn ke Bondye te montre revelasyon an epi ki moun li te ye? Premye bagay nou jwenn, nan tout revelasyon, ke Bondye te fè konnen kiyès Li te ye. Sa, Jezi pa t twazyèm moun nan yon Trinite, Li te Trinite a an plen. Li te alafwa Papa, Pitit, ak Sentespri. E se te revelasyon an. Kat fwa sa te pale nan menm chapit la, ke Li te Bondye Toupwisan an; Sila ki te ye a, ki ye a, e ki gen pou vini an; Rasin lan ak Posterite David la.

27 Kounye a, nou jwenn, alò, ke nan bagay sa yo nou pral eseye eklèsi tout zafè a, paske mwen pa konnen ki lè nou pral janm tandem L ankò, petèt jamè, jouk tan p ap egziste ankò epi li va disparèt nan

Letènité. Epi kounye a, jan mwen di a, ka gen anpil frè, anseyan byen pi byen kalifye pou pale de sa pase mwen menm, e pwobableman ta kapab jwenn yon pi bon entèpretasyon pou li, men Bondye mete l sou kè m pou fè l e poutèt sa mwen ta yon ipokrit si mwen pa ta di jis egzakteman sa mwen te panse ki te bon. Ou wè? Alò, mwen—mwen toujou vle klè devan Bondye, nan tout tan, ke “mwen pa t evite,” jan Pòl te di, “avèti nou lajounen kou lannwit, ak dlo nan je, ke legliz la ta ka kanpe lè sa a.” Si gen nenpòt ki pèdi, san an pa sou men mwen, paske mwen vle klè konsènan san tout moun nan tan sa a. Alò si ou diferan, ebyen, sa se, jis nan yon fason amikal, sa va jis kòrèk. Kounye a, men, petèt Senyè a va revele yon bagay ki pral ede nou tout ansanm.

28 Kounye a, premye bagay la, nou wè ke Li revele tèt Li. Kounye a, nou konprann ki moun Li te ye.

29 Kounye a, antan n ap kontinye, kòm mwen te fè deklarasyon sa a sou aspèsyon an, ak batèm nan non “Pè, Fis, Sentespri” ki se yon batèm Katolik e pa yon Pwotestan oswa yon batèm Nouvo Testaman, mwen espere ke mwen te fè sa klè. E mwen te mande nenpòt ki moun ki ta montre yon tèks Lekriti kote nenpòt moun te janm batize nan Bib la oswa jouk Konsil Lawodise a kote yo te fòme legliz Katolik la, kote nenpòt moun ki te janm batize nan non “Pè, Fis, Sentespri,” tanpri vin montre m. E mwen t a mete sou do m, “yon fo pwofèt,” epi ale mache nan lari a. Kounye a, mwen jis fè sa...pa pou m difisil, men jis montre nou ke se Laverite. Ou wè?

30 Kounye a, alò Bib la revele Li isit la, ke li se Bondye Toupwisan an, ki fè chè nan mitan nou. Ou wè? Pa gen Pè, Fis, ak Sentespri; li pa twa dye, oswa yon sèl Bondye koupe nan twa kote. Se yon sèl Bondye ki travay nan twa offis: Patènité, Filiasyon, ak Sentespri a. Bondye kondanse depi nan jaden Edenn lan, ap eseye fè wout Li tounen nan kè imen, pou yo viv epi yo dwe pitit gason ak pitit fi Bondye ankò avè L. Se Bondye ki anwo nou, Bondye avèk nou, Bondye nan nou. Se sa diferans lan. Ou wè?

31 Epi kounye a bagay sa yo, ak Bib la revele sa e li te byen di li nan chapit 1 Apokalips la; ki se sèl Liv nan Bib la, nan Nouvo Testaman an, tout kanon Nouvo Testaman an, se sèl Liv Jezi mete pwòp so Li sou li. Epi li di, an premye sou Sa: “Benediksyon pou moun ki li ak moun ki tandé.” Epi nan fen an, Li di: “Si yon moun wete nenpòt pati nan Li, oswa ajoute anyen nan Li, yo pral menm jan an retire, pati pa li a, soti nan Liv ki bay Lavi a.” Alò se yon madichon pou nenpòt moun ki retire nenpòt bagay, sa se Revelasyon okonplè sou Jezikri. Alò si nou fè de Li twa, ou konnen sa ki te pase. Ou wè, non w soti.

32 E pèsonn, okenn Pwotestan, okenn legliz primitiv pa t janm kwè nan twa dye. Se te yon gwo pwoblèm nan Konsil Nise a, e toulede te ale sou yon branch; soti fason sa a, kòm yo di. *Trinitaryen yo*,

moun trinite ki kwè nan Trinite a, ki finalman te fòme nan legliz Katolik la, y ale nan trinite konplè, fè Bondye “twa” pèsonn. E te gen youn ki te kwè ke Bondye te “yon sèl,” epi yo te ale sou lòt bò a pou yo ka yon *initaryen*. Toulede fo. Bondye pa kapab...

33 Jezi pa t kapab pwòp papa L, ni Jezi pa ka gen yon papa epi Li dwe...ta gen twa dye. Sa—sa pa t kapab mache. Paske si Li te gen yon papa, e yon papa se yon lòt moun anplis Li, alò Li te gen...ak Sentespri a se yon lòt, Li se yon timoun ilejitim. Bib la di ke se Sentespri a ki te Papa Li. E si nou gen Sentespri a, alò se pa Sentespri a, se Papa a nan nou nan non Sentespri a, k ap itilize offis la nan nou, paske li te yon fwa nan yon nomm yo rele Espri a, epi Li retouren e Li nan nou kounye a, menm Jewova Dye a. Ou wè?

34 Pa gen twa dye. Twa dye se payen e enpi, epi sa te transmèt. E si ou jis rete nan semèn lan epi san prejije, men gade, pran li, listwa. Pran menm istwa yo ke mwen oswa nenpòt moun, nenpòt istwa. Jis fè nou konnen l, ke tout istwa dakò sou menm bagay la. Istoryen sa yo pa gen anyen pou fè ak pran yon pati, yo jis enterese nan deklare reyalite, sa ki te pase. Epi gade egzakteman ki jan bagay sa a antre nan Luther epi soti nan Wesley, epi ekspoze nan dènye jou yo, batèm nan non “Pè, Fis, ak Sentespri.” Jis gade ki kote li antre nan legliz Katolik la, nan Laj Tenèb yo, soti nan Luther, desann nan Wesley, men ant Wesley ak Lawodiseyen yo (alafen) li te dwe ekspoze. Se vre. Kounye a, e tout sa se listwa, e pa sèlman listwa, men se Bib la.

35 E kounye a, aswè a, n ap apwoche Sèt Aj Legliz yo ki te sèt legliz ki te nan pwovens Lazi Minè nan moman Liv la te ekri. Legliz sa yo nan moman sa a dwe te gen karakteristik laj legliz ki te gen pou vini yo, paske sa... Te gen plis legliz pase sa, legliz Kolosyen an ak anpil lòt nan tan sa a, men Bondye te chwazi legliz sa yo poutèt karakteristik yo.

36 Bon, nou jwenn ke Li kanpe nan mitan sèt chandelye an lò yo, Li te gen nan men L sèt zetwal yo. E sèt zetwal sa yo, Li di, nan chapit 1 vèsè 20 an, ke “Yo se sèt zanj sèt legliz yo.”

Sè Lugie 37-95

Bon, nan Bib la yo pat konprann revelasyon sa a. Paske, a kisa sa tap sèvi pou yo tap gade epi tann si yo te konnen ke ta pral gen de milye lane anvan ke Jezi tounen. Yo pat gen sa a.

38 E M di sa, a noumen isit la, nou menm katolik yo, noumenm literyen yo, noumenm metodis yo e latriye, Maten Litè pat genyenl, limyè ki sou Pawòl jodi a. Li pat bay non plis a John Wesley. John Wesley te preche sankfifikasyon ke Litè te transmèt la. Epi limyè a vini lè nou bezwen limyè. Bondye di l, el pat louvri a noumenm paske li te kache je nou jouk jou ke Bondye te ka revele l. Map mande m kisa sa pral ye apre nou ale? Men wi, M konvenki ke gen anpil, anpil lòt bagay ke nou pa konnen. Se vre, Gen sèt so yo, si nou sèlman pran liv revelasyon an antye, sa te sele nan do liv la. Li pat menm... men te ekri nan liv la. Epi so yo te dwe louvri pandan laj legliz saa, epi sèt dènye mistè Bondye yo fèt pou te... revele. O M ta renmen gade sa pandan tout sezon livè a e pase a travè sa. Wi, mesye! sèt aj legliz yo.

39 Menm jan Danyèl ki tandé sèt tonè yo, epi l te entèdi; e Jan te tandé vwa yo, epi liv saa te sele, e do liv la te sele ak sèt so yo; men nan jou ke so sa yo dwe louvri, "Mystè Bondye a ta dwe fini." Pou byen di w, Bondye pral revelel a Legliz li; pa kouwè twa moun, men tankou yon moun. "Mistè Bondye ta dwe revele, e lè sa ta fin revele nèt, alòs sèt mistè yo pral louvri a Legliz; paske, la a, Legliz ta dwe viv sou lenspirasyon Sentespri a, Limenm kap fè antre sòti epi ap montre siy li yo ke l byen vivan pami nou, ap viv pami nou, epi apre nap adore Kris vivan ki pami nou an.

40 Penga janm chache gwo legliz ak pakèt bagay. Lè na rive sou laj Pannkotis sa a, ou va siman wè ki kote yo pèdi wout yo. Legliz Lawodise menm vle di "rich, pa bezwen anyen," epi toutouni, malere, avèg, pòv, san ke w pa konn sa. Ou wè? Yo al dèyè pakèt lajan, ak bann bildig, ak tout lòt bagay.

41 Kifè, Legliz te toujou – se –se te toujou sa yo ki pa byen vini sou latè. E yo te la : deteste nan je tout moun, yo kouri dèyè yo, nan riyèl yo, toupatou ke yo te ka viv. LI Ebre onz, epi gade sis oswa wuit dènye vèsè yo, kijan ke "yo tap trennen nan dèzè yo, epi, te abiye ak po mouton epi po kabrit, yo te yon bann endijan, aflije e toumante". Moun sa yo, kijan pou temwayaj nou ta ka kanpe devan pa yo nan jou jijman an? Eskew wè, moun sa yo jou sa a.

42 Kounye a nan laj legliz sa a...Nou gen sèt legliz, bon M vle ke l byen plase. M pa kwè kew ka wè l pa bò icit la, petèt si kèk nan nou te kab, M doute anpil, men M pral eseye fèl, (M konnen ke w pa tap kapab, kote n chita la a), fè l sèt aj legliz yo. M pral kenbel poun ka konpran n.

43 Ça te kòmanse, Legliz te kòmanse nan Lapannkot. Èske yon moun te ka nye sa? Non mesye! Legliz te kòmanse lan Pannkot avèk yon benediksyon pannkotist, epi l te òdone pa Jezi Kris pou kontinye jouk nan dènye jou a ak menm mesaj la epi menm benediksyon kap aji nan nou an. Dènye komisyon l pou Legliz li, Mak 16, "Ale toupatou mond lan, preche Levanjil, siy sa yo va swuiv sila yo ki kwè." Kounye a, ki kote n ye? "Nan tout mond lan." Pou kiyès? "Pou chak kreyati." Nwa, bren, jon, blan, kelkeswa

kreyati a, preche levanjil a tout kreyati a. "Siy sa yo pral swuiv sila ki va kwè yo." Bon, aswè a nap rale sou sa, nap jis kòmase koupe l aswè a, chak swa nap koupe yon pi gwo mòso jouk nou rive nan laj legliz panou an. Koulye a, nou wè ke se te komisyon l.

44 Koulye a, premye laj legliz la sete legliz Efèz la. Dezyèm laj legliz la sete Esmirn. Twazyèm la legliz la sete Pègam. Katriyèm laj legliz la sete Tyati. Senkyèm laj legliz la sete Sad. Epi sisyèm laj legliz la sete Filadèlfia. Epi setyèm laj legliz la sete Lawodise.

45 Koulye a premye laj legliz la kòmanse environ lane 53 anvan delij la, lè lapot Pòl etabli legliz la nan-nan Efèz. Nan vwayaj misyonè l, li te etabli legliz la nan-nan Efèz, Legliz Efèz, epi li te pastè l jis lè yo te koupe tèt li nan lane 66, Sa fè ke l te pastè legliz Efèz la pandan vennde lane. Apre lanmòl a yo te di nou apre sa ke se Sen Pòl...oswa Sen Jan diven an te vin pastè legliz la epi te dirijel nan laj sa, epi laj legliz sa a te etann li jouk nan lane 170.

46 Epi aprè Laj Legliz Efèz la, pati de lane 53 jouk lane 170 anvan delij la, apre sa Laj Esmirn la kòmanse ki te dire de lane 170 jouk lane 312 anvan delij la. Epi nou tonbe nan laj Pègam, e Laj Pègam nan te kòmanse nan lane 312 pou l te dire jouk lane 606 anvan delij la. Apre sa se Laj Legliz Tyati, Laj Legliz Tyati kòmanse nan lane 606 epi ale jouk lane 1520, Laj tenèb yo. Nou jwen apre Laj Legliz Sad ki kòmanse nan lane 1520 pou fini nan lane 1750, laj Literyen. Epi de 1750, pwochen laj ki vini an sete laj Filadèlfia, laj Wesle; ki pati de 1750 epi dire jouk lane 1906. Apre sa nan 1906 Laj Legliz Lawodise a mete pyel, men M pa konn ki lè lap fini, men M predi ke lap bout vè 1977. M predi, se pa Sèyè a ki dim li, men m predi selon yon vizyon yo te montrem kèk lane de sa, senk pami bagay sa yo dwe (nan sèt yo) ta dwe rive deja.

47 Anviron... Konbyen ki raple yo vizyon sa a, nan legliz la? Sèten. M te di ke, kouman ke menm Kenedi ta pral eli nan dènye eleksyon saa. Kouman ke fanm ta pral gen dwa pou vote. Kouman ke Rouzvelt ta pral menen le mond nan lagè. Kouman ke Musolini ta pral anvayi Letyopi, nan premye envazyon l, epi ta pral okipe l; se te pral fen l, li ta mouri apre sa. Koumman bann gwo ism sa yo ta pral leve epi tonbe nan Kominis; Itlèrism, epi Musolini, e kon... Nazism, elatriye, tout ta pral antre nan Kominis. Epi onz lane anvan sa, li te anonsé ke "Nou ta pral nan lagè ak Lalmay, epi Lalmay tap ranfòse l dèyè mi an siman", Liy Magino a. Sa rive jis men jan an. Aprè sa m te di, apre sa, lap rive yon moman ke... lap rive ke syans sa ap tèlman avanse jouk yo rive envante yon otomobil, otomobil yo pral gen fòm "yon ze"tout tan. Epi vizyon an te rakonte icit la memm kote Legliz Kris la ye kounye a, bò kot vye òfe... ôfelina a. Chali Kern, ki petèt nan biling lan aswè a, li te rete kote sa a nan moman sa a. Li te rive yon Dimanch maten ozanviron setè. E m te di, "apre sa lap rive ke yap envente yon machinn ki pap bezwen volan, lap kontrole pa yon jan de fòs." Yo genyen l déjà. Yo genyen l kounye a, yon fòs

mayetik, yon kontrol rada. Yo pa menm... jis fikse rada w sou kote w prale a, lap Mennen pou kont li, san w pa bezwen kondwui.

48 Bon, Epi m te di konsa, "Nan moman sa a, pral gen yon gran fanm kap monte nan peyi Etazini." Epi li te bèle e byen abiye, men li te kriyèl na kèl. E m te mete nan parantèz nan vizyon an, menm souliye 1 en jo n, m te di, "petèt legliz Katolik" Epi avèk afè pèmèt fanm vote a pral ede yo vote yon move moun pou nasyon sa a. E se sa ke yap fè. Egzakteman. Ebyen, m te di se ta pral kòmansman an."

49 Epi yon lòt bagay ke m te di... sèke imedyatman apre sa, M te wè ke peyi a kouvri net, epi jis eksplode an ti myèt mòso. Kounye a, si bagay sa yo ta dwe rive, se ap men jan pou lòt yo. Se laa nou.. Se pou rezon saa kem icit la aswè a ap eseye mennen sa a epi regle sa aswè ak moun Jefèsonvil yo, paske map prepare m pou al chan misyonè byen vit ankò, epi m pa konn kilè yap relem oswa anlvem. M—M... nou pa konn sa. Epi M vle asire m ke M... fè legliz la konnen nan ki tan ke yap vi wlan, ' paske Bondye Toupwuisant ap rann mwen responsab pou sa.

50 Bon—kounye a, chak nan legliz sa yo, selon Ekiti ki laa, te gen yon anj. E anj sa a te yon... Konbyen moun ki konnen kisa yon anj vle di? Se yon "mesaje," yon mesaje. Epi te gen—te gen sèt zanj pou sèt legliz, ki vle di "sèt mesaje." Bon, epi yo te zetwal nan men L. E nan men L sila yo—douz sa yo...sèt zetwal sa yo ki te gen pou bay reflè Limyè prezans li nan tan lanwuit ke nap viv la. Menm jan ke zetwal yo bay tè a reflè soley la, fè l klè poun ka mache, epi vire ron lè l lannwuit.

51 Kounye nou realize ke, pandan epòk sa a, chak anj say o te gen plas yo ak pozisyon yo. Epi, frèm yo, aswè a nou pap rive la, paske nou konnen anj premye legliz la, men se pral yon bagay misterye e gloriye pou jwenn epi dokimante nan listwa, anvan nou, zanj lòt legliz yo. Anj premye legliz la sete Sen Pòl, li te jwenn li, mesaje Bondye a. Anj legliz Efèz la sete Paul. Legliz... Bon, rezon ke M...

52 Ebyen, lòt yo ou ka pa dakò, men m te rete laa jou apre jou anba enspirasyon jiskaske m te santi Lespris Sen ki te frape m epi wenn mwen pou sa. Se rezon sa a kem konnen. Bon gade nonm sa yo ki

te chwazi, si w se yon istoryen, yo... men nonm sa a kem gen laa, e kem konnen pa revelasyon ke yo te zanj pou legliz la, yo te gen menm ministè ak sila yo depi kòmansman an. E ministè sa a paka chanje, li dwe rete pannkot pou tout tan.

53 Koulye a istoryen yo ki chita icit la pral an dezakò avèm sou nomm saa; men pou legliz Esmirn la, Irene se youn m kwè ki te anj pou jou a. Polikap, anpil nan nou ta di ke se te Polikap, ou ta pito di sete li. Men Polikap te panche plis sou lòganizasyon epi Katolik, ki tap vin yon reliyion. Irene menm te yon nonm kap pale an lang, epi ki te gen pwuisans Bondye a ak siy yo ki tap swuiv li. Li te limyè zanj Bondye a, epi li te limen limyè a apre ke yo te krisifye Polikap oswa touyel, asasinen l, kifè Irene te youn nan etidyan l yo, e Polikap te yon etidyan Sen Pòl...oswa Sen Jan. E aprè Irene te pran plas li, el te pote limyè a.

54 Epi anj limyè pou-pou Pègam nan se te gran Sen Matin an. M pa kwè te gen yon nonm ki te janm viv sou tè a ki te pi gran, apa Jezi Kris, ke Sen Matin. Pwuisan? Asasen yo te vin kote l pou koupe tèt li (li te kwè nan siy yo ak mirak, epi benediksyon pannkotis), lè yo te rive, yo ta pral asasinen l, li te retire manto l epi lonje kou l ba yo. Epi lè asasen sòti epe l pou koupe tèt li, pwuisans Bondye a frape l la pou la devanl, epi li rale sou jenou l poul mandel...?...Amèn. Li te yon anj pou legliz la.

55 Lòt bagay ankò. Gade kouman l... yo te pandye yonn nan frè l yo, li te nan rout pou eseye jwen li, gade sak te rive. Lèl te rive la, yo te fin pann li deja. Li te etann atè a, mouri, zyel te sòti nan tèt li. Li te al kotel epi tonbe sou jenoul yo e kouche sou li pandan inè, ap priye Bondye. Epi pwuisans Bondye a vin sou nomm nan el te resiste, li te pran men l el te deplase avèl la pou mennenn ale. Sa se listwa, menm jan ak George Washington, Abraham Lincoln, oswa sal ye anplis la. Se listwa.

56 Wi mesye! Sen Matin te anj legliz Pègam lan, kise, legliz maryaj la ki te mennen yo nan legliz Katolik apre sa.

57 Lanj legliz –Tyati a se te Kolonban.

58 Anj legliz Sad la, legliz lanmò a... mo Sad la vle di "lanmò." Li sòti ak yon non, se pa non l, "men yon non kew anvi, men w mouri". Gade kouman yo vin ak batèm nan jou sa a. Ou wè, yo vin de li. Anj legliz Sad la se te Martin Luther, premye refòmatè.

59 Anj legliz Filadèlfia se te John Wesley, mesaje a.

60 Anj legliz—Lawodise a yo poko konnen l. Yap konnen l yon jou, men li petèt... sou tè a.

"Sila ki gen zorèy..."... konnen ke se nan laj sa a nap viv. Bondye pral jije bagay sa a.

61 Remake, remake byen, nou pral pran Ekriti koulye a, ann tounen nan premye aj la. Bon m ta renmen... m te gen kèk ti bagay note la a kem te swete nou ta tande ak atansyon.

62 Premye legliz la, legliz Efèz, zèv legliz yo, pou sa Bondye te kondane yo, sete zèv san lanmou. Rekonpans yo se Pye bwa Lavi a.

63 Legliz Esmirn nan te yon legliz ki te pèsekite, li te pase a travè anpil tribilasyon. Rekonpans li te kouròn lavi a.

64 Twazyèm legliz la, Pègam, laj fo doktrin, mansonj Satan, epi fondman règ papote a, maryaj ak legliz e leta. Rekonpans lan te lamann kache ak yon ròch blan.

65 Legliz Tiati te legliz sediksyon pap la, aj tenèb yo. Rekonpans lan se te pouvwa epi règ nasyon yo, epi zetwal maten an. Se ti kras minorite a ki te rive ranstre.

66 Legliz Sad la te laj refòmasyon an, gwo misyonè... oswa non se pa misyonè, men non kache yo, yo te gen pwòp non yo. Epi rekonpans lan te yon rad blan, ak non nan Liv Lavi a (kap vin nan jjiman). Nou te wè sa lòt jou, Liv Lavi a; ou dwe jije a pati de Liv Lavi a. Sen yo anlve e pati san sa, yo pa pase pa la.

67 Laj Legliz Filadèlfia te laj lanmou fratènèl, gran laj komisyon e gran laj misyonè, pòt ki louvre.

Epi rekonpans lan se te yon—yon pilye. Revele non Bondye ki te dwe fèt pandan—pandan laj sa a, li te fini ozanviron 1906. Se byen.

68 Laj Lawodise se te laj legliz tyèd la, rich, chaje ak byen, ki pa bezwen anyen; men ki te malere, pòv, avèg, mizerab epi toutouni. Epi rekonpans lan se chita sou twonn lan avèk Seyè a, sila yo ki rive simonte laj la.

69 Kounye a pou demonte sa, aswè a, pou te montre w yon ti kras osijè de sèvis la aswè a, nou pral pran dezyèm chapit la, premye aj legliz la. Ebyen nou... Li te revele epi nou konnen kilès Li ye, Li se Bondye!

70 Bon, laj legliz la te kòmanse janm te di a, ozanviron lane 53, jouk lane 170. Epi vil Efèz la, yonn nan twa pi gran vil Lazi yo; ke yo rele souvan twazyèm vil lafwa kretyen (premye a te Jerizalem; dezyèm nan, Antyòch; e twazyèm nan, Efèz)...yon vil ak gwo komès e biznis...(e) gouvènman te Romen... (f)

lang lan te grèk. Istoryen yo kwè ke Jan, Mari, Pyè, Andre, ak Filip te antere la. Epi Efèz te renome pou bote 1.

71 Krisyanism nan Efèz se te kote Jwuf yo te rete, nan Efèz. Epi li te fonde ozanviron lane 53 oswa lane 55 apre Jezi Kri. Se lapot Pòl ki te pati Krisyanism lan. Aprè sa, Sen Pòl te pase twa lane nan Efèz. Ansèyman Pòl te gen gwo enfliyans sou kwayan Efèz yo. Aprè, Timote te premye evèk nan legliz Efèz. Nan tan Pòl se te yon gran legliz.

72 Efèz vle di... Non Efèz lan menm vle di "lese ale, relakse, retwograde." Bondye te relel, "legliz retwograd." Bondye—Bondye re rekonèt premyèman zèv yo, travay yo, epi pasyans yo. Bondye te reprimande fason yo tap viv, abandone premye lanmou yo, pou sispann pote limyè. Efèz pat yon legliz ki te sedwui, li te tonbe paske li pat kontinye nan lanmou pafè.

73 Rezime sou Efèz : fwui, san lanmou, kondwui nan apostazi. Pwomès yo : Paradi ki promèt a sila ki venk yo, Pye bwa Lavi a, te bay a Sen yo ki te nan laj Efèz la.

74 Men yon bèl bagay. Pye bwa Lavi a te mansyone twa fwa nan liv Jenèz, twa fwa nan liv Revelasyon an. Premye fwa l te mansyone nan-nan Jenèz, se te nan Ledenn, epi Kris se te Pye bwa a. Twa fwa ke l te mansyone nan liv Revelasyon an se te Kris nan Paradi a. O, se rich. Ke Bondye a beni.

75 Koulye a nou kòmanse premye chapit Efèz la...oswa premiye vèsè dezyèm chapit, legliz Efèz : Ekri pou anj Legliz Efèz la : Men sa ke sila ki kenbe sèt zetwal yo nan men dwat li, kap mache nan mitan sèt chandelye an nò a;

76 Jan se—se mesaje nan tan sa a. Jezi tap mache nan mitan sèt chandelye sa yo, Bondye Toupwuisan an. Kisa lap fè? Li pa di ke l tap mache nan mitan yon sèl chandelye, li tap mache nan mitan tout chandelye yo. Kisa sa vle di? Ke li se menm Bondye a, ayè, jodi a e pou tout tan, epi nan chak aj pou chak kwayan. Li vin a... avèk Lesentespri pou chak aj e pou chak moun; menm nan ayè, jodi a, e pou toujou.

77 "Li kenbel nan men dwat li." Men dwat vle di "otorite L ak pouvwa L." Kenbel nan men dwat li (anba, contrôle) sèt mesaje yo pou sèt aj legliz yo. O, M renmen sa. Gade lap mache toutotou aj legliz sa yo, Kris la, ap fè pèp li rekonèt li a travè aj tenèb yo, a travè chak aj; nan moman saa legliz vin fòmel epi rale kòl, kèk ladan yo te fè yon bò epi lòt yo yon lòt bò, men ti kras minorite legliz la toujou kenbe la, epi Kris te travay avèk yo, ap konfime pawòl li; ede yo pase a travè sa.

78 Sa tèlman fasil poun wè kouman nou gen sa ki gen jodi a, lè n komanse etidye sa. Bon, la a nan kòmansman an... M kwè nou tout ka wè nan wotè sa a. [Frè Braham ap montrel sou you tablo nwa—Ed.] Men yon aj legliz, kise Pannkotis. Dezyèm aj legliz, twazyèm, katriyèm, senkyèm, sisyèm, setyèm aj legliz, Koulye a si w ta vrèman byen gade, Legliz kòmanse nan Lapannkot. Konbyen nan nou ki kwè sa? Nou wè sak te rive nan Lapannkot? Apre sa nou wè legliz jan lap glise desann. Li te jis kòmanse ap dekline yon ti kras anplis, pi plis ankò, e ankò; ti kras plis, li desann konsa menm jan vrè Legliz la te rale kòl la.

79 Ebyen, kris... Kenpòt jan Legliz la piti, "Nenpòt kote de oswa twa rasanble nan Non M, Map nan mitan yo." Lè yo rasanble ansanb nan kisa? Nan non Metodis yo? Non Batis yo? Non Pannkotis yo? Non Jezi! Nenpòt kote ke de oswa twa rasanble ansanb, pe enpòt jan 1 piti a. Epi yo pral tèlman piti nan dènye jou sa yo, Li te di, Li dwe vinn prese prese epi coupe nan travay la osinon pas gen okenn moun kap chape pou anlèvman an. "Kote de oswa twa rasanble nan Non M!"

80 Bon, premye tou a, apot yo. Ebyen, nou wè ke se kòmansman an, Lapannkot. Lap mache an ron, menm gran Bondye a, menm gwo mirak yo ap fèt toutolon aj say o paske Lap mache nan mitan chak aj. Lap Beni kisa? Pèp li ki rasanble nan non Li.

81 M vle ke nou fè atansyon a saa pandan ke nap pase a travè legliz la. Legliz sa te gen Non Jezi. Legliz sa a te gen Non Jezi. Legliz sa a te gen Non Jezi. Epi Legliz sa a te pèdi I. Legliz sa a sòti , aj Literyen an, ak "yon non kew vivan, men w mouri" Epi kontinye degringole jouk nan fen aj saa; e ant aj saa epi aj sila a gen yon pòt ki louvri pou te ramne Non saa ankò nan legliz. Bon gade byen pou wè si se vre, apre ke nou rantre nan Ekriti yo. La a ant aj —yo.

82 demen swa map eseye ranjel bò icit la konsa tout moun ka wè l. E map vin la a petèt demen apre midi pou desine l.. kèk nan—plan ke m pral pale nou de yo. Epi si gen nan nou ki gen istwa a mennen yo. Oswa pran nòt ou yo epi ale avè yo nan libreri a oswa yon kote nou ka gen istwa a, li l epi gade si se kòrèk.

83 Bon premye vèsè a. Kisa lap fè? Lap salye yo. A anj legliz Efèz la (a Jan); Bagay sa yo di ke sila ki kenbe sèt zetwal yo nan men dwat li, kap mache nan mitan sèt chandelye an nò yo; (se yon salitasyon).

84 Kounye a dezyèm ak twazyèm vèsè a, Li pase yo lòd: travay ou yo, ak pasyans ou,..kouman w pat ka sipòte sila yo ki mechan: epi ou eprouve sila ki di yo se apot, e ki pa sa, epi w trouve yo mantè:

85 Ou wè, apostazi saa te kòmanse jwen plas li deja nan premye aj la. Sa te kòmanse la menm; paske eli yo ak vrè Legliz la ki te vle kenbe prensip Bib la, epi kenbe Pawòl ke Jezi te di nan temwayaj li, Yo te deja kòmanse ap met deyò. Yon bagay te kòmanse ap pase, ta pral gen fo anseyan ki te vin parèt, moun ki te mal anseye, nan fason kontrè ak Ekriti a, ap eseye mennen yon bagay oswa ajoute yon bagay.

"li di, pòsyon paw la ap retire nan Liv Lavi a." Sa a se, pèdi, frè! Jis pa melanje Pawòl Bondye a! Pe enpòt kilès li fè mal oswa kisa li fè mal, jis di l kanmenm. Fason ke l ekri la a, se fason an. Nou pa bezwen pyès lòt gwo bagay, nou pa bezwen okenn prêt oswa pyès bagay pou entèprete l pou nou, Bondye Sentespri a se entèprèt la. Li bay entèpretasyon an.

87 Kounye a, si w remake, yo detounen yo de mechan yo epi yo te trouve ke profèt yo fo, apre sa yo te fè prèv ke yo te fo, ap pran pòz pye yo. Gade kouman legliz kòmanse ap fòmel diran epòk saa? Yo Kòmanse yon jan mete anpann moun ki anba enspirasyon Sentespri a, ki lakoz moun kòmanse ap moke yo.

88 Bon, eske Jezi pat di, "Ou Beni, lè yo pèsekite w akoz la jistis"? Li pat janm di pou kòmanse vin fòmèl. Li di, "Rejwui, epi fòk nou ekstrèman kontan, paske yo te pèsekite profèt yo ki te anvan nou." Li di sa, se te nan beyatitud yo, nan Matye 5, "Ou beni" poukisa, ou gen moun kap moke w paske w renmen Seyè Jezi a, se yon benediksyon jis pou yo di sa de wou. Yo sèlman... Lè moun yo joure w, yo mennen benediksyon sou wou. Sa—sa retounen sou yo, menm jan l te rive nan tan Balaam nan. Li—li retounen sou yo. Lè yo te eseye moke w poutèt

ou se kretyen, sak rive, li retounen sou yo, Epi Bondye beni w, paske " Ou beni lè moun yo ap pèsekite w poutèt Non m." Poutèt non L, "Ou beni!"

89 Kounye a nou jwen ke yo te vle kòmanse rantre nan yon fòm de pyete.

90 Ebyen, M te ka rete la a epi di yon bagay, M kwè pral fè l. Eske nou remake ke chak revèy... Bon, frè pastè yo, jis note sa. Chak revèy pwodui jimo : Ezayi ak Jakob. M vle di Izaak olye de... Izaak ak rebeka, olye de Jakob. Izaak ak Rebeka te fè jimo. Papa a te sen, manman an te Sen, men yo te fè de gason: Ezayi ak Jakob.

91 Kounye a, tou de te relijye. Men Ezayi, kan se pou zèv ak kontra, tankou yon bon legalis, li te pwobableman yon pi bon gason, nan tout sans, ke Jakob.? Jakòb te jis yon ti gason ki te kole sou manman l tout tan. Men Ezayi te gen pou sòti al travay, li te pati al chache jibye pou vye papa avèg li a ki te profèt, li tap eseeye pran swen l. Men Jakob te gen yon sèl bagay nan tèt li, li te vle dwa denès saa! Li pat gen pwoblèm ak konbyen tan sa tap pran poul vire anron oswa kisal te dwe fè, sak te pi enpòtan lan vil se te dwa denès lan! E Ezayi te meprizel.

92 Kounye a eske w pa wè nonm natirèl la—nonm naturel la? Lè yon revèy rive, gen de kategori moun ki sòti nan chak revèy. Gen yon nonm naturel ki sòti, epi lal a lotel el di, "wi, mesye, M aksepte Kris kòm sovè m." Li pral ale epi sak rive? Premye bagay wap apran, li abouti nan kèk bon legliz frèt, fòmèl, paske l panse, "Ebyen, si m se yon manb legliz, M osi bon ke lòt nonm nan. Eske m pa osi bon ke entel? Ki diferans ki genyen osi lontan kem nan yon legliz aplike fwa m?" Kisa, sa fè yon gwo diferans. Ou dwe ne de nouvo. Ou dwe gen dwa denès lan.

93 Epi Jakòb pat fèl sousi kouman yo tap ri l. Li te vle dwa denès saa, ki mele l jan l te dwe jwen li.

94 Kounye a, yon bann moun pa vle gen dwa denès lan paske yo panse ke l jis ou jan pa alamòd. Yo pa vle ale a lotel pou fè yon ti kriye, oswa kite san yon ti manje, epi— epi yon lòt bagay ankò. Yo—yo—yo—yo pa vle fè l. Yo pakèt fi... yon pakèt, ou konnen, mani... ak makiyaj, yo kwè ke si yo kriye yo ka lave l, fòk yo ta remete ankò. Kisa l ye, yo...se... Epi m pa vle parèt mechan, M espere ke l pa sòti konsa, men se la verité. Yo tou senpleman pa vle l. Yo pa vle Nouvèl Nesans lan, paske Nouvèl Nesans lan se yon jan de lòbèy. Se menm jan ak tout lòt nesans. Nenpòt nesans lan se yon lòbey, M pa bezwen konnen ki kote l fèt. Si se nan yon pak kochon, oswa nan yon chanm lopital ki pentire an roz, se yon lòbèy.

95 E se menm jan yon nouvèl nesans se yon lòbèy. Amèn. Lap fèw fè de bagay kew pat janm kwè w ta fè; kanpe nan yon kafou ap bat tanborinn, oswa chante, "glwa pou Bondye a! Alelouya! Louwanj pou Bondye! Glwa pou Bondye!" Kisa, ou pral aji tankou you manyak. Se sak te pase a apot yo, se sak te pase ak la vyèj Mari, li te aji tankou l te sou. Li te yon lòbèy pou sosyete a, men sa pran you lòbèy pou ke lavi sòti. Amèn!

Frè Joe 96-165

96 Sof si yon bagay mouri epi pouri, lavi pakab soti ladan l. Sof si yon nonm mouri epi pouri nan pwòp panse l, Kris paka antre nan kè l. Lè w ap eseye panse pou ou menm, "Bon, si m ale a lotèl, epi m di, 'Wi, Seyè, mwen--mwen se on bon nèg, m pral chwazi W. M va peye dim mwen. m va fè sesi,'" Ou dwe mouri ak pouri drèt la nan panse w. Kite Sentespri a pran kontwol pou jis fè kèlkeswa sa L vle fè avè w la. Ou on jan melanje avèk sa. Sa sonnen tèrib, se pa on sakrilèj, men se Laverite. Se sèl fason mwen konnen pou frape bagay la pou fè w konprann Li.

97 Kisa ki te yon pi gwo bagay tèrib ki genyen ant bann Jwif gwo chabruk sa yo jou sa, epi pou w te wè moun sa yo k ap vin la avèk bouch yo k ap pale trennen? Ou konn kisa yon pale trennen ye? Hah, hah, ah, ah, ah...?...Lòt lang, epi ap aji tankou moun ki sou, /Frè Branham ap imite jan moun sou aji.-- Editè a/ Hah, hah, ah, ah, ah. Se egzakteman sa yo t ap fè. Yo te gen aspè tèrib!

98 E li te di: "Èske mesye sa yo ranpli ak diven ki fèk fèt?" Men apre ke youn te on jan antre nan bon sans li, li te di: "Ke nou kapab aprann sa a, epitou kwè m sou pawòl, moun sa yo pa sou tankou nou sipoze l la." Li te retounen nan Lèzekriti, Men: "Sa a se sa ki te pale nan pwofèt Jowèl, 'E sa va rive nan dènye jou yo, Bondye te di, 'Mwen va vide Lespri M sou tout chè.'"'

99 Se konsa Legliz te pran nesans o kòmansman. Konbyen moun ki kwè ke Bondye enfini? Alò Li paka chanje. E si se te ide sa Li te fè L de yon Legliz o kòmansman, se modèl Legliz sa Li va genyen a lafen. Li paka chanje. Kifè kouman w pral fè pou chanje l pou yon bay lanmen, oswa aspèje ak dlo, oswa--oswa kèk lòt bagay ki pat rive drèt la? Chak apot yo te retounen drèt nan sa.

100 Apre yo te fin fè tout bagay sa yo...Sentespri a te tonbe sou yo, Pyè te di: "Èske nou ka refize batèm dlo, lè nou konstate ke moun sa yo te resevwa Sentespri a menm jan avèk nou o kòmansman?" E li te òdone yo pou yo batize lan Non Seyè Jezi. Se vre.

101 Pòl te ale laba a e li te jwenn moun k ap pouse kri, ki t ap rejwi yo, on bann Batis ki t ap glorifye Bondye, e li te di, nan Ak 19, li te di: "Èske nou resevwa Sentespri a depi nou te kwè a?"

Yo te reponn: "Nou pa menm konnen si te gen on
Sentespri."

Yo te di: “Se menm nonm ki te batize Jezi a ki te batize nou, Jan Batis.”

102 Li te di: “Ya, sa pap mache ankò,” Ou wè? Pyè te sele sa jou Pannkot la. Li te gen kle a. Ou wè?

Li te di: “Sa pap mache ankò, nou dwe rebatize ankò.” Kifè li te rebatize yo ankò, lan Non Seyè Jezikri. Te enpoze yo lè men, e yo te jwenn menm rezilta ke yo te jwenn la o kòmansman. Sentespri a te tonbe sou yo, yo te kòmanse pale an lang ak pwofetize.

103 Bon, Sa a se te Legliz atravè lè z aj. Kounye a, sa te kòmanse drèt la o kòmansman.

“Mwen konn pasyans ou. Ou gen anpil pasyans nèt ale, Mwen konnen sa...Bon sonje, Mwen se Sila ki ap mache nan mitan chandelye a. Mwen konn pasyans ou, ak zèv ou yo, ak travay ou, ak lanmou w, elatriye. Mwen konn tout sa w te fè. E Mwen konnen ou te mete a leprèv moun sa yo ki te deklare tèt yo ‘pwofèt, apot,’ pou w dekouvri ke yo se mantè.’’ O, sa a dirèk, se pa vre? Mwen pa responsab pou sa, se Li. Li te di ke yo te mantè.

104 Men Bib la di: “Mete yon nomm a leprèv. Si gen nenpòt nan mitan nou ki espirityèl oswa pwofèt, oswa li di li sa, Mwen Seyè a va revele M a li. Mwen va pale avè l pa vizyon, ak sonj. E si sa l di yo rive, alò tande l; pa pè l, ou wè, paske Mwen avèk li. Men si sa pa rive, alò pa tande l, li pa gen Pawòl Mwen.” Ou wè, si se Pawòl Li, sa va rive.

105 Bon, yo te jwenn ke mesye sa yo pa t ap konpòte yo dapre Bib la. Ou wè, Yo t ap eseye gen yon lòt bagay. (Mwen vle ke nou gade panse nou sou kounye a, kote nou pral desann nan trezò a jis nan kèk minit.) Kounye a, apre sa Li te di: “Mwen wè sa ou ap...ke ou te gen anpil pasyans, epi w te pasyan e...avèk yo. Ou te mete yo a leprèv, pou te jwen ke yo pa apot. Yo pat sa.”

106 Kounye a, jan m te di l o kòmansman an, anvan nou demare avèk sa a ankò, chak revèy pwodwi yon pè jimo. Youn se yon nomm espirityèl; lòt la se yon nomm natirèl ki atache a latè, “mwen te vin manm legliz, mwen jis bon menm jan ak nenpòt moun.” E se sa ke revèy sa a te pwodwi, se sa ke Irene te pwodwi, se sa ke Sen Maten te pwodwi, Se sa ke Kolonban te pwodwi, se sa ke Wesle te pwodwi, e se sa ke Pannkotis te pwodwi. Jis egzakteman.

107 Ou wè kijan yo te pati pou al seme? Konstwi legliz pa yo, epi mal demare, ak gwo bèl kote epi (o lala, gras lamizerikòd!) kanpe ap repeète Kredo Apot yo. “Mwen kwè nan Legliz Katolik Women, e nan kominyon ak sen yo.” Nenpòt moun ki kwè nan kominyon avèk sen yo se on chòche espirityalis. Nenpòt sa ki ap kominye avèk mò li se dyab. Se egzakteman vre. Nou gen yon sèl medyatè ant Bondye epi lòm, se Jezikri lòm. Se vre. Se sa Pyè te di. Epi ou menmm chè moun Katolik yo ki pran l pou “premye pap la, e Pyè antan ke premye pap ki te mache avèk Jezi.”

108 E apre sa li te di: “Pa gen lòt medyatè ant Bondye e lòm.” Epi bagay sa yo, nou gen di mil lòt jodi a. Poukisa sa te si tèlman chanje, si legliz enfayib e ke li pa chanje? Epi tout lamès ou yo te an Laten

pou l te ka pa chanje. Kisa k te rive? Ki kote ou te janm jwenn Kredo Apot yo nan Bib la? Si apot yo te gen yon kèlkonk credo, se te “Repanti w, epi batize nou chak lan Non Jezikri pou remisyon peche nou.” Mwen pa janm konnen yo te gen okenn lòt credo oswa menm ap resite okenn lòt.

109 Men lè sa konsène “Sen egliz Women yo” ak tout lòt bagay sa yo, epi “Dye le Pè Toupwisan an ki prezèv syèl la ak tè a,” se tenten. Ou wè? Se vre. Sa pa nan Bib la. Yon tèl bagay pa egziste nan Lèzekriti. Se yon credo ke yo fabrike. Men se...tout priyè yo ak tout bagay se yon bagay fabrike.

110 Nou ka wè jodi a ke Pwotestan nou yo, lè nou va rive la, yo te jis rale kò yo soti pami yo. E jis menm jan ak Billy Graham te di dimanch lan: “Moun yo te nan erè depi tèlman lontan ke yo panse yo kòrèk pandan ke yo gen tò.” Se vre. Se laverite. Mwen kontan dèské mwen...Natirèlman mwen konnen ke Billy Graham te resevwa Sentespri a anba George Jefferies laba a, men va gen on moman kote li va soti kite bagay sa. Bondye ap itilize l drèt la kounye a, paske li ka ebranle wayòm sa ke pèsonn lòt moun te ka difisilman pèse antre. Men ou ka wè nan predikasyon l, gen yon bagay dèyè sa, akoz de Batis ki ap bay lanmen sa yo. Wi, mesye!

111 Kounye a:

Mwen konnen zèv ou yo,...ak pasyans ou,...kijan ou

pa kab...

112 Ann wè kounye a, mwen gen...

Mwen konnen zèv ou yo, ak travay ou, ak pasyans

ou,...kijan ou pa kab sipòte sa k pa bon: e ke ou

epwouve sa yo ki di yo se apot, e ki pa sa, e ke ou

jwenn yo se mantè:

113 Li te jwenn ke yo se mantè. Kijan yo te fè pou konn sa? Yo pat an akò ak Pawòl la.

114 Bon, si on nonm di ke “Bib sa a di nan Ebre 13:8, ‘Jezikri, se menm lan ayè, jodi a, e pou tout tan,’” nonm lan di: “Aaa, tan mirak yo pase,” alò nonm sa se yon mantè.

115 Si Bib la di, “Repanti w, epi batize nou chak lan Non Jezikri pou remisyon peche nou,” e tout kote nan Bib la di menm bagay la, epi tout moun ki te janm batize nan--nan tan Bib la yo te batize lan Non Jezikri, e li komisyone yo pou yo batize, aspèje ak dlo, oswa on lòt bagay konsa, nonm sa se yon mantè, yo jwenn li se yon fo pwofèt.

116 M espere ke mwen pap blese santiman la, men mwen...Frè, ou--ou pa ka ap fè ti bebe ak Sa a, se tan an, retire gan yo pou pote Levanjil la. Ou wè? Se Laverite.

117 Bon, montre m yon bagay ki diferan. Montre m ki kote yon moun te janm batize lòt fason ke lan Non Jezi, ou wè, sof pou legliz Katolik. Kifè si w te batize fason sa, ou pa nan legliz Kretyèn lan, ou nan legliz Katolik paske ou batize. Pwòp magazin yo Sunday Visitor, katechis la di, kesyon an, “Èske okenn Pwotestan pral sove?” Sa te reponn, “Anpil ladan yo, paske yo pran batèm nou an ak anpil bagay konsa.” Sa te di, “Yo reklame Bib la, e Bib la di: ‘batize lan Non Jezikri,’ nou te pran l la a pou mete l sou fòm ‘Pè, Fis, e Sentespri’ e sa te asome yo.” Se sèten. Ou wè? Pa on--pa...Se pa on--se pa on batèm Kretyen. Se yon batèm Katolik.

118 Èske nou te tande m yon nwit sou, “Èske ou te janm batize nan batèm *Kretyen* an?” Batèm Kretyen an, Kris, “Jezikri,” pa nan kèk tit.

119 Bon, vèsè 3 kounye a. Dakò, vèsè 2 e 3. Kounye a vèsè 3:

*Epi ou te fèt, e w te gen pasyans, pou nonm, ou
te travay, e ou pat dekoraje.*

120 “Pou Non Mwen.” Èske w te remake ke yo te gen pasyans? Yo te travay pou kisa? Pou Non Li. Obsèvre Non sa elve byen wo nan legliz sa? Kounye a obsèvre sa, kan nou va avanse pandan semèn lan, jan sa disparèt pou pran on lòt non. Ou wè? “*Yo te gen pasyans, te travay, elatriye, e pou Non Mwen.*” Li...Yo te travay pou Non Li.

121 Pou gade Non Jezikri a sou tèt tout legliz, sou tèt tout lòt bagay, kite sa antre an premye. “Kèlkeswa...” Bib la di: “Kèlkeswa sa w ap fè an pawòl oswa an zèv, fè tout bagay lan Non Jezikri.” Èske se vre? “Kèlkeswa sa w ap fè an pawòl oswa an zèv.” Si w ap marye, marye on moun; si w pa kapab, si yo tout tèt anba nan maryaj yo, pa marye yo ditou. Ou wè? Si w paka di ak libète: “Mwen deklare nou madanm ak mesye lan Non Jezikri,” kite yo ale. Dakò. Si w vle batize yo, batize yo lan Non Jezi.

122 Si w oblige fè yon bagay ke ou paka fè lan Non Jezi, kite sa trankil! Yon moun te di: “Pran yon ti gròg non.” Ou paka fè sa lan Non Jezi, kifè kite sa trankil! Yon moun te di: “Jwe yon ti pati kat.” Ou paka fè sa lan Non Jezi, kifè kite sa trankil! Yon ti blag sal, degoutan nan jwèt bridge ou, ou paka di sa lan Non Jezi, kifè kite sa trankil! Ou wè? Ou paka met shòt lan Non Jezi, kifè kite sa trankil! M te ka kontinye, men nou...nou konn de kisa m ap pale. Dakò. Ou paka fè sa. Sa w paka fè lan Non L, kite l trankil! Paske, Li di: “Kèlkeswa sa w ap fè an pawòl oswa an zèv, fè tout bagay lan Non Jezikri. ” Dakò, bon.

123 Kounye a nou pral...Se ...Li te felisite yo pou sa. Kounye a m pral pale de repwòch nan chapit 4 la...oswa vèsè 4 la, pito.

Sepandan Mwen gen on bagay kont ou, poutèt ou te abandone premye lanmou w.

124 O! “Mwen gen on bagay kont ou. Ou te pasyan, ou te pran pozisyon pou Non Mwen.” Èske sa pat ap jis yon bon bagay pou tabènak sa a jodi a? Wi, mesye! “Ou te byen fè, e ou te gen anpil pasyans, pou sipòte lontan, men bagay la sè ke...Ou te pran pozisyon pou Non Mwen, Mwen apresye tou sa. Mwen--mwen felisite w pou sa, se kòrèk. E mwen te wè ke ou te mete yo a leprèv sa yo ki di yo se apot elatriye, pou w jwenn yo se manté, yo paka adapte yo ak Pawòl la. Mwen--mwen apresye tou sa. Men gen yon bagay mwen genyen kont ou, e sè ke ou te abandone premye lanmou w. Ou te kite lanmou sa ke w te genyen yon lè pou reyinyon ansyèn mòd, ak Sentespri sa yo, e ou te kòmanse on jan ap retwograde nan bagay fòmèl sa, vini avèk ‘Nòtre Pè...’”Tenten! Ou wè?

125 Tout jan sosyete sa isi a, e yon moun dwe vini ak gwo wòb sou yo (ou konnen, pou chante nan koral la, ou konnen), ak maniki nan tout tèt yo ak tout bagay sa yo, epi on pakèt makiyaj sou tout figi yo, e y ap chante tankou m pa konn kisa.

126 Isit la sa pa fè lontan, si se pat reyinyon Oral Roberts yo, mwen sèten ke m te ka rele on pakèt pou yo sòti. Mwen te--mwen te nan konvansyon Ôm Dafè yo ki te òganize...nou pa t gen...jou swa sa mwen ta pral pale. Yo pat ka òganize 1 la nan otèl la, e yo te chwazi m e se te nan biling Oral Roberts la. E lè m te chita nan biwo Oral la, te gen yon bann ti moun Pannkotis (O, jenn gason ak jenn fanm, sèz, disèt, dizuitan) yo tout te kanpe laba a; apeprè trant oswa karant konsa ki ta pral chante kèk jan de yon--yon ti...sa te sonnen pou mwen tankou on jan de ouvèti pa on moun ke Becky te pale de li, Tchaikovsky oswa kèk nan jan de bagay sa yo konsa; m pa konnen, kèk nan jan de chante sa yo, chante klasik. Epi men yo, pandan frè yo ta pral pran yon ofrann nan reyinyon an, e yo chak yo te ale e yo te gen on ti gode, ap aji kòm si yo te avèg ak tout vye blag epi ap konpòte yo on fason ou pa t janm tandem, ant ti gason e ti fi sa yo, ap pale de tout bagay. Epitou ti fi sa yo te gen ase penti sou yo, ke w te ka, prèske pentire biling Oral la. Epi yo te la konsa, ap rele tèt yo “Pannkotis.” Yo te pèdi premye lanmou yo!

127 Mwen dakò sèten avèk David duPlessis, “Bondye pa gen pitit pitit.” Non, mesye! Nou gen pitit pitit Metodis. Nou gen pitit pitit Batis. Nou gen pitit pitit Pannkotis. Men Bondye pa gen youn menm! Nou se pitit gason ak pitit fi. Nou pakab vini sou baz grann oswa gran papa w paske yo te dè zòm e dè fanm de byen, nou dwe peye menm pri yo te peye a. Nou dwe ne jis tankou yo te fè a. Bondye pa gen pitit pitit ditou. Ou se yon pitit gason oswa yon pitit fi; sinon, ou pa yon pitit pitit, sa a se yon bagay ki sèten.

128 M te ale lan yon reyinyon la, e la yo te...lan yon bèl Asanble Pannkotis. O lala, ou ta dwe wè fanm sa yo ki t ap gaye lè yo te wè m ap vini; ak cheve koupe, kout sa yo, ak ti mwatye rad kout sa yo, prèske

tankou yon sosis, ou konnen, kò yo byen kole konsa sou rad sa yo, fanm Pannkotis, ki te abiye si tèlman seksy.

129 Ou va gen pou w reponn pou sa, Jou Jijman an. Ou va koupab pou komèt adiltè, Jezi di: “Nenpòt moun ki gade yon fanm ak anvi, deja komèt adiltè avè 1 nan kè li.” E si w prezante tèt ou konsa bay yon nonm, kiyès ki koupab? Ou menm ou byen nonm lan? Mache dwat! Pran kouri menm pou aparans mal la! Ou wè? Kifè men ni.

130 Kisa w te fè? Pèdi *premye* lanmou yo. O, ou pa t ap kapab fè yo al lan kwen lari a avèk yon tanbourin ap bat men yo epi louwe Bondye. O, non! Yo ta ka chante kèk jan de bagay klasik ak on bann gwo wòb vlope yo. Ou wè, yo te pèdi *premye* lanmou yo. Se sa ki te genyen avèk premye legliz la. Ou wè?

131 Yo jis oblige aji tankou lemond. Yo dwe abiye yo tankou lemond, sanble ak lemond, aji tankou lemond. Epi vedèt televizyon prefere yo, ou konnen, yo jis paka anpeche yo wè sa. *Nou renmen Sizi* oswa kèk lòt bagay, ou konnen, yo jis vle wè sa. Yo va rete lakay yo pa la nan reyinyon priyè a ak tout lòt bagay pou gade l. Si yo pa fè sa, yo va kase mete nan men pastè, pou l ka kite yo ale a tan pou lè pwogram sa rive konsa yo ka rantre lakay pou gade l. Lanmou pou lemond plis ke lanmou pou Bondye!

132 O, two fòmèl, yo paka di, “Amèn!” ankò. O lala, gras lamizèrikòd, sa t ap defèt kèk nan makiyaj yo. Ou wè? Yo pa gen Sa ankò. Se Pannkotis yo menm. Pa Batis yo. Yo pat janm menm genyen l pou kòmanse, Prezbiterien yo--yo. M ap pale de Pannkotis yo. Se jis. Mwen konnen sa tèrib tout bon, frè, men nou vle yon nesans apati de bagay sa. ou dwe gen lanmò anvan w kapab gen yon nesans. Ou wè? Ou wè? Se Laverite. Men menni, te kite premye lanmou w. Mwen...

133 Si Bondye te gen sa kont legliz *sa*, Li genyen l kont *sila* a tou! “Paske ou te abandone premye lanmou w lan, Mwen gen sa kont ou. Mwen gen yon bagay kont ou, se sa ki repwòch Mwen an. Gen yon lè ou te konn ap rejwi w, men ou--ou te kite lemond kòmanse glise antre, e ou t ap aji on tijan fòmèl. Ou ankò ap kenbe Non M, e ou ankò ap fè dè bagay ki kòrèk, e ou gen anpil pasyans elatriye, ak travay ou, ou tankou yon milèt, ou jis ap travay epi fè zèv.”

134 O lala! lala! lala! Ou wè, ou te kite gras ak fwa ak pwisans, ou te chanje l pou zèv ak travay. “Ebyen, m ap di w Frè Branham, mwen--mwen ede chak fanm vèv mwen te kapab.” Ebyen, sa se yon bon bagay, mwen felisite w pou sa. Men kote premye lanmou sa ou te genyen otrefwa a? En-en, en-en. Kote jwa sa ou te abitye genyen an? Tankou David te rele fò yon lè pou di: “O Seyè, retounen ban mwen jwa sali mwen.” Kote reyinyon priyè tout lannwit yo, ak dlo lan jye koule sou machwè? O lala, gras lamizèrikòd, Bib la menm chaje ak pousyè ak twal arenyen sou Li. W ap li vye istwa lanmou, ak nouvèl ak bagay konsa; ak bagay ki pat dwe menm otorize pibliye men ki ta dwe nan--nan poubèl, epi nou menm Pannkotis nou ranmase yo epi jis plonje sou yo tankou yon bann mouch sou yon bwat poubèl.

Se vre. O, mizèrikòd! Sa nou bezwen se: Retounen jwenn premye lanmou nou an! Retounen jwenn La Pannkot! O, m ta fè mye elwaye sijè sa la. Dakò. Men, nou konprann, “Abandone premye lanmou sa.”

135 Se te vèsè 4 la, vèsè 5 lan kounye a. Yon avètisman, senkyèm vèsè a, yon avètisman: “Sonje epi repanti w!” Ou wè?

Sonje ki kote w te tonbe,...

(Ki kote w te soti? La pannkot ou te sot tonbe pou

w kote w ye kounye a, ap retrougrade)...*epi*

repanti w, e pratike premye zèv ou yo; (retounen

jwenn la pannkot ankò)...osinon M va vin pou ou

rapidman, pou retire chandelye a nan plas l-i... (Ou

wè kiyès, èske w pa wè?)...nan plas li, eksepte si w

repanti.

136 Lòt fason pou di sa, se si w gen yon pastè ranpli ak Bondye, ranpli ak Sentespri, epi w ap seseye mete l anba grif ou, pou ap di: “Ebyen, si l di kwakseswa sou koral ak wòb yo, si l di kwakseswa sou makiyaj, n ap jis ekskominye l.” Pa enkyete w, Bondye va fè l anvan menm ou gen yon chans. Li va soti preche pou wòch yo nan lari a anvan li ta vin fè konpwomi ak jan de bagay sa. Si w gen yon pastè k ap di w Laverite, ou dwe onore Bondye epi rete an Espri, pou adore Bondye, konsyan ke ou va pèdi si w pa fè sa. Ou wè?

137 Men moun yo ap viv jodi a kòm si yo pral...sa a se te sèl bagay ki egziste, “viv isit la sou tè a, se tou.” Ou pa reyalize ou gen yon nanm ki va kite isi a pou l ale yon kote. E ou sele destinasyon ou drèt isi a, nan fason w ap viv e nan fason w ap aji, rankinye, mechan, ak tout lòt bagay, epi apre sa kouri al legliz. O, mizèrikòd! fyow! Manyè wont.

138 Ou se yon wont pou--pou koz Kris la. Èske se pa vre? Èske nou pa fè sa? Tafyatè trafikan alkòl la pa fè Legliz mal; se pa vre *sa*. Se pa pwostitiye a ki fè Legliz mal. Se moun ki pretann yo se Kretyen yo ki fè Legliz mal. Nou konn kisa Tafyatè trafikan ak pwostitiye a ye. Kan sè nou yo abiye tankou yon pwostitiye, sa a diferan, se sa a ki fè Legliz mal. Lè nomm lan bwè tankou yon tafyatè trafikan, alò se sa ki fè Legliz mal. Yo pretann yo se Kretyen epi y ap fè sa. Moun yo ap siveye akoz non sa...“Ke sila ki menm ap nonmen Non Jezikri a kanpe lwen peche.” Ou wè? Rete lwen sa.

139 O, nou tèlman lwen, frè. Mwen menm, ou menm, nou tout, nou--nou lwen de sa Kris vle nou ye a. E isit la menm nan jou sa a li tan pou met de kote tout peche ki anvayi nou si fasilman, epi kouri avèk pasyans kous ki devan nou la. Predikatè, wi, frè. Se egzakteman vre.

140 “Sonje epi repanti w, osinon Mwen va retire Limyè etwal la nan plas li.” Ki kote plas li ye? Nan Legliz. “Men si w pa repanti w epi retounen kote w te ye o kòmansman an, mwen va pran pastè w la drèt la nan men w epi retire l soti nan plas li; Mwen va mete l on lòt kote ke li... kote Mwen va reflete Limyè M ki va briye.” Hmm! Èske sa pat trè grav?

141 Li tan pou legliz yo repanti yo. Li tan pou Pannkotis yo pran anpil nan ti sèvo rafine sa yo soti yo sou chè yo, epi pran predikatè a lansyèn mòd yo anndan la ki va di w Laverite; pa ap vire anwon pou itilize legliz la nan enterè l, gwo salè, e kèk bagay konsa, epitou sikoloji, ak kèk kous cheval, epi soupe, ak tout lòt bagay. Li tan pou retounen nan Levanjil. Mwen pa fè konsiderasyon jan w tou piti, “Kote de ou twa rasanble, Mwen--mwen va nan mitan yo.”

142 “Repanti, osinon M ap vin retire chandelye a; voye l lwen, lòt kote pou fè briye limyè l.”

Bon vèsè sis la. Kounye a men sa nou pral gen pwoblèm avè l la. Bon, eksepte si w repanti w, Li va vini pou retire pastè a voye l lwen.

Men sepan dan ou gen sa a,...

143 Bon, sonje. O, pa manke sa kounye a. Sa a pral mare rès la ansanm, pou desann dirèk nan sa nou...aj nou ladan l kounye a. Men dabò, tout moun santi yo byen? /Kongregasyon an di: “Amèn!”--Editè a/ Èske nou prese? /Kongregasyon an di: “Non!”/ Dakò, kounye a. Dakò, pran jis on ti pasyans alò. /On frè nan kongregasyon an di: “Rete tout nwit lan.”/ Bon...Mèsi.

Men sepan dan ou gen sa a,...

144 “Ou rayi zèv Nikolayit yo.” Pandan m te chita nan biwo a jodi a anwo la, m te ekri yon bagay la sou sa, mwen vle w tandé byen kounye a, se kèlke paj la. Vèsè 6 la, louwanj ak konsantman; se, Bondye e Legliz ki dakò sou yon bagay, ke yo “te rayi zèv Nikolayit yo”; vrè Viy lan, vrè Viy lan, vrè Legliz ki te nan legliz Efèz sa.

145 Kounye a, sonje, chak legliz gen fòmalite l e chak legliz gen espri pa l. Se jimo sa yo ki ne lan tout revèy e ki ap viv nan tout legliz. Yo te kòmanse dirèk nan aj *sa* e yo fini nan aj *sila*. E finalman, sa ki fòmalis yo te pran kontwòl li nan Aj Tyati, e Litè te rale l soti ankò. E kounye a l ap retounen dèyè ankò. Èske w kapab wè reliyion fòmalis sa? Pa gen okenn diferans ant sa e Katolik. Tout se menm bagay la. Chak òganizasyon masakre drèt ladan l. Bondye pa janm òganize Legliz Li. Se egzakteman sa yo t ap eseye fè la. E siveye pou wè kounye a si sa se pa vre, jis pou montre nan ki pwen yon òganizasyon modi. Sa te-sa te etranj pou nouvo Legliz la, Legliz Nouvo Testaman an. Ou wè?

Men...ou...Men sepandan ou gen sa, sè ke ou rayi

zèv Nikolayit yo, zèv ke Mwen rayi tou.

146 Vrè Viy lan rayi zèv fòmalis Nikolayit yo, Bondye tou. Sa ki te zèv nan legliz Efèz la, nan legliz Efezyen yo, te vin yon doktrin nan legliz Pègam lan. Nan Efèz , premye legliz la, se te yon zèv, nan pwochen legliz la li te vin yon doktrin. Èske w ka sezi L? Èske w ka konprann Li kounye a? Se te yon zèv nan Efèz, e siveye, la nan Pègam li te vin yon doktrin. Sa te jis kòmanse la sou fòm yon ti bebe. Bon, nan yon minit nou pral dekouvri kisa sa te ye. Men *lou* Pòl te pale yo, “zèv Nikolayit yo.”

147 Sa k rive kounye a...Annou dekonpoze mo sa pou jwenn sa nou genyen anvan nou al pi lwen. Mo *Nikolayit* la on jan etranj pou mwen. Mwen gen tout leksik Grèk ke m--m te ka jwenn. Nikolayit vin de mo *Niko*, N-i-k-o. Ret tann, mwen kwè m te ekri 1 la. N-i-k-o, *Niko* ki vle di “konkeri, oswa ranvèse.” *Niko-layit*, “ranvèse oswa konkeri layik yo.” Sa yo t ap eseye fè la se te ap eseye pran legliz kote Bondye te gen pastè, ak Lespri Bondye ap aji ak don nan Legliz Bondye vivan an, e, yo te kòmanse ak yon doktrin ke yo pral gen prêt, evèk, ak pap, elatriye. Sa, Bondye te di, Li te rayi 1! Li rayi 1 ankò jodi a. *Niko-layik*, (*Niko*, “venk”) oswa, “ranvèse layik yo” *Layik* yo se “legliz.” Konbyen moun ki konnen ke layik se legliz? Dakò, “Ranvèse oswa konkeri, oswa pran plas layik yo.”

148 Nan lòt mo, pran tout pati sakre a, tout pwisans lan soti 1 nan legliz pou mete 1 sou prêt yo; “Kite kongregasyon an viv jan 1 vle, men prêt la se li ki sen.” Ap pran Sentespri a ak siy e mèvèy ki te swiv yo mennen 1 lwen moun yo, retire sa epi ba yo yon sakrifikati ki sen. Retire Sentespri a epi chanje L pou yon sakrifikati. Ou wè kisa sa te ye? Se te yon...Li te finalman vin...Nan legliz *sa a la*, se te zèv; e bò kote *sa* li te vin yon doktrin; e rive nan Tyati, li te pran kontwòl la. E lè Litè soti, sa pat ka rete fason sa, li te retounen dèyè pou pran kontwòl la ankò: evèk, kadinal,achevèk. Kiyès nan mond lan ki se tèt Legliz Bondye a ke Li Limenm? Amèn! Fyouw! Bon m santi m ap transpòte. Yo te voye Sentespri a pou gouvène Legliz; pa jis predikatè a, tout kongregasyon an!...jis predikatè a ki sen, se, tout Legliz la ki gen Sentespri a.

149 E olye de Sa, olye yo te gen Lespri a pou fè sa, yo te pran yon ti moso losti ak biskwi sèk, ak diven, pou rele sa “Sen *Ekaristi* ki vle di ‘Sentespri.’” Kijan yon ti pen sèk ak diven ta ka yon espri? Bon, si-si se fason sa, ou dwe li Ak 2 konsa: “Kan Jou Pannkot la te rive konplètman, men yon prêt Women sou wout la, e li te di ‘Tire lang ou soti’ e li te mete losti a sou li, epi li te bwè diven an, pou di, ‘Kounye a ou gen Sentespri a.’” Bon, kounye a nou panse sa t ap tèrib. Li tèrib.

150 Bon ann desann; yo te òdone m nan yon legliz Batis, ann pran Batis yo. En-en. Hmm? Metodis, kisa nou fè? “Si w konfese ke ‘Jezikri se Fis de Dye a,’ ou sove.” Le dyab kwè Li se Fis de Dye a, e 1 tranble pou Sa; pwobableman li kwè 1 plis ke anpil manm legliz. Le dyab kwè menm bagay la epi li tranble, paske li konnen ke li dane.

151 Kounye a nou pran l sou fòm Metodis, yo--yo di ke “Jan pa t Batize,” ke, “li te aspèje.” Yo di: “Te gen anpil goudron nan peyi a, e--e dlo yo te soti nan kote sa yo. E li te gen yon koki moul pou l te fouye yon twou plen goudron.” Epi y ap preche sa kounye a. “E ke yo te mete dlo nan koki goudron sa, ou pito koki moul sa, nan twou goudron an, e li te aspèje moun yo.” Tenten! O, frè!

152 Ebyen, isit la n ap pran l konsa, “Lè jou Pannkot la te rive konplètman, yo tout te lan yon sèl plas, yo tout dakò. E pastè a te desann pou preche yon bon mesaj, e l te di, ‘Ban m lanmen ak men dwat fratènité a, e nou va mete non w nan liv la.’” Sa pa sonnen byen, pa vre? Ou te ka jwenn sa...Ou patka jwenn sa nan almanak, yo te konn mye ke sa. Vye *Almanak Nesans Dam* yo menm pi kòrèk ke sa.

153 Ebyen, kisa ki te lakoz sa, alèkile? Nikolayit ki te mennen on pakèt moun pou tòde Lèzekriti, epi fè yon denominasyon ki pap kite Bondye aji ladan l. Te mouri drèt la! Apre sa Li te di la, “Ou mouri!” W ap viv ak yon ‘non’, men ou mouri!” Anpil ladan yo, kadav, e yo pa konn sa.

154 Mwen menm ak frè mwen nou t ap fè lapèch, nou te ti jenn gason, anwo la. E m te pran yon vye tòti, e mwen te koupe tèt li; apre m te retire l nan liy lan, m pat vle pèdi tan ak sa; m te lanse l sou bò rivaj la. E ti frè a te vini, e li te di: “Se kisa ou te pran toutalè a?”

Mwen te reponn, “On tòti.”

Li te di: “Kisa w te fè avè l?”

Mwen di: “Men ni, li lonje, *la*, e tèt li te lonje *laba*

a.”

E li te al laba. Li te di: “Èske l mouri?”

Mwen te reponn, “Sèten! Tèt li te separe de kò l, li

oblije mouri.”

155 Konsa li te pran on baton, epi l te kòmanse pran tèt tòti sa pou l jete nan rivyè a, e lè...ou pito nan kouran dlo a. E lè l te fè sa, vye tòti a te atrap baton an. Ou konnen, yo va ap bouje pandan inè ou de. Li te sote an aryè, li te di: “Hey! Te kwè w te di m, ‘Li te mouri.’”

Mwen te reponn, “Li mouri.”

Li te di: “Ebyen, li pa konn sa. Non.”

156 Kifè se konsa l ye avèk on bann moun: kadav epi yo pa konn sa! Nikolayit! O lala! O, Li te di: “Ou rayi sa.” Li te ranmase yo tout nèt, prèt sen ki rafine, sen kadinal, sen evèk.

157 E kèk lan nou Pannkotis, “Gran siveyan an, kite l desann. Siveyan jeneral la, li va di w si w ka gen sèvis gerizon an isit la ou non. Ha, ha.” Alelouya! Se Sentespri a ki sila ki dwe di sa ou non, Pawòl Etènèl Bondye a.

158 “Ebyen, Frè Branham, nou kwè ke Bib la anseye ‘batize lan Non Jezi,’ men siveyan jeneral la di si nou kòmanse sa nan legliz nou an, li va mete nou tout deyò.” Ale. Se kòrèk. Mwen ta prefere yo mete m deyò isit la pito Laba a. Kifè, si w pran nenpòt bagay isit la, yo va mete w deyò Laba a, youn ou lòt, kifè li ta preferab ke yo ta mete w deyò bò isit la. Si l mete w deyò isit la, yo va fè w antre Laba a. Kifè se jis menm bagay la, konsa rete jis ak Sa.

159 Nou vle genyen l jis. O, lala, se yon bagay trè serye, frè. Nou oblige gen bagay sa kòrèk. Nou pap janm ka gen yon Legliz toutotan Bondye pa gen yon fondasyon pou L depoze l sou Li. Li pap janm bati Legliz Li sou yon bann tenten. Li dwe vini dapre Pawòl Li a sinon Li pap vini ditou; drèt sou Pawòl Li.

160 Sa pa fè lontan, yon moun , te di: “Frè Branham, vini Chatauqua.” Konbyen moun ki te Chatauqua? Enben, jis gade la, yon tyè legliz la oswa plis te Chatauqua. Se...Bon, nonm sa te monte la apre midi sa, e nou tout te tande l, san ke l pa konnen ke mwen te okouran. Bondye ka revele nan chanm lan la sa y ap di anba la, epi, ou konnen, Li te fè l. Li te monte la, pou di: “Bon, Frè Branham, o, li se yon sèvitè Seyè a. Kan Lespri a sou li, li se yon pwofèt ki wenn, se sèten li konn bagay yo, Bondye di l sa k ap fèt e sa k pral rive; men tewoloji l, pa tande sa.”

161 Ala yon ide byen tòde! Kijan yon nonm ka fè di yon bagay konsa? Enben, Mwen pat gen...Ebyen, si w pa ka fè diferans ant pwa kase ak kafe, ou va--ou va konn mye ke sa. Kijan w ka fè janm panse a yon bagay konsa? Poukisa? Poukisa, mo pwofèt la limenm vle di “yon revelatè diven de Pawòl la.” Kijan w ka...Pawòl Seyè a vini a pwofèt la. Mwen pa janm di ke mwen se youn, yo di sa. Men se la nou ye. Ou wè?

162 Kijan yon nonm...Pou kenbe yon ti doktrin legliz kèk kote, paske òganizasyon pa yo pa t ap dakò avèk Sa. Ap vann dwa denès ou pou yon plat lantiy, Ezayi, ou menm ipokrit mizerab! Se jis. Vann dwa denès ou pou yon plat lantiy, pou yon melanj denominasyon, yon melanj òganizasyon ke Bondye rayi. Jis sonje, ou di “òganizasyon,” Bondye rayi sa! Se bagay ki separe frè, e ki fè domaj...Gen anpil Metodis, Batis, Prezbiterien, aswè a, ki ta renmen genyen fratènité toutotou tab Bondye a. Men si yo fè sa, yo va mete yo deyò menm moman yo antre Ladann lan. Se egzakteman vre.

163 “Manman te fè pati de li,” epi yo jis se pitit pitit pou kòmanse. O, lala! Mwen pa fè ka de kisa manman te fè pati, manman te viv nan tout Limyè li te genyen pou tan l lan, w ap viv nan yon lòt tan.

164 Anviwon twasanzan de sa, Lasyans te pwouve on lè, ke si w fè yon balon tounen toutotou glòb la, yo di: “Si nenpòt machin ta kouri a vitès tèrib trant mil a lè, gravitasyon an t ap soulve l fè l kite tè pou

voye l ale nan lespas.” Ou panse lasyans jodi a kwè sa? Y ap kouri kounye a katrevendi mil a lè. Yo pap gade dèyè pou wè sa yo te di, y ap gade dèyè, pou wè kisa yo ka jwenn pi devan.

165 Men legliz toujou vle gade dèyè, pou wè kisa Wesle te di, kisa Moody te di, kisa Sankey te di. “Tout bagay posib pou sa yo ki kwè,” annou gade devan! Sèl bagay nan Bib la ki te gade dèyè...Èske w conn ki sòt de bète ki toujou ap gad dèyè? Vi ki pi ba ke w genyen. Konbyen moun ki konnen vi k ap bouje ki pi ba ke w genyen? Yon grenouy. Yon grenouy se vi ki pi ba ke w genyen, e yon nonm se vi ki pi wo ke w genyen. E yon grenouy gade pa dèyè. M pa renmen vye vi ba sa. M vle gade devan, ap kwè, ak konfyans, ap mache nan Limyè jan Li se Limyè a, amèn, pandan L ap fè Limyè a briye.

166 Yon fwa anba a nan Kentucky m te g on reyinyon, yon kanmarad granmoun te soti, epi l te di: “O, m pa kwè gerizon sa a.”

Epi m di: “Ebyen, se kòrèk, ou s on Ameriken.”

Li di: “Mwen-m pa kwè nan anyen sòf si m wè l.”

Epi m di: Ebyen, se kòrèk.”

Li di: “Bon, m pa g anyen kont ou, men mwen-m pa kwè nan sa w ap di a.”

M di: “Se pwòp avantaj Ameriken w, ou pa gen pou kwè.”

Li di: “Bon, m pa janm asepte anyen sòf si m ka wè l klè.” Hmm!

M di: “Ebyen, bon mwen...se-se byen, ou dwe sot Missouri.”

Li di: “Non, m se moun Kentucky.” Fiouw!

M di: “Sa pa twò sonnen byen pou Kentucky.” “Men, tout jan,” m di: “ si w...sa se fason w panse, ou mèt kontinye.” Epi l di-li di...M di: “Kijan w pral lakay ou?”

167 Li di: “M ap janbe bit la. M viv lòtbò...Ebyen, vin lòtbò a avè m.” Mesye janti. Li di: “Vin lakay avè m, ret tout nwit la, Frè Branham.”

M di: “M swete te ka fè l, frè. Men, m di: “M ap monte isi a ak monnonk mwen.” Epi l di... m di: “Ou vle vin la?”

Li di: “Non, fò m janbe bit la anlè la a, anlè a nan direksyon sa a, epi desann nan on bafon, epi monte,” ou conn kijan sa ye anba la.

Epi m di: “Ebyen,” m di: “kijan w ap fè rive la?”

Li di: "M ap monte nan chimen an la."

M di: "Poukisa, ou pa menm ka wè men w devan w." M di: "Kijan w ap fè rive la a?"

Li di: "M g on lanp!"

Epi m di: "Ebyen, kijan w fè...Kisa w fè, limen lanp sa a epi mache avè l?"

Li di: "Wi, mesye."

M di: "Lè w limen lanp sa a, èske w ka kenbe l anlè nèt kon sa? M ta renmen wè kay ou."

Li di: "Ou pa ka wè l."

M di: "Alò kijan w ap fè rive la a?"

Li di: "O, m ap jis limen lanp lan; epi pandan m ap mache, li...M ap jis mache antan limyè a..."

M di: "Se jis sa. Amèn, jis mache nan Limyè a."

168 Jis kontinye mache! Pa ret kanpe, ou pap janm rive pyès kote. Si w te sove, mache al nan sanktifikasyon. Ou di: "Kijan pou w fè rive la?" Jis kontinye mache. "Èske batèm Sentespri a se apre santifikasyon an? Kijan pou m gen sa?" Jis kontinye mache nan Limyè a. "Èske siy yo, bèl mèvèy yo, ak mirak yo...?" Jis kontinye mache nan Limyè a. Ou wè? Jis kontinye! Chak fwa w f on pa, Limyè a pral sote jis on tikras pi devan w, paske Li toujou devan w. Li pa pouse, Li kondwi. Li se Limyè a. O, m sitèlman kontan pou sa. Èske n pa kontan? Li se Limyè a, pa g okenn fènwa nan Li.

169 "Ou rayi zak Nikolayit la." Vin yon doktrin. Kounye a ann wè kisa Pòl... Kounye a, legliz kimoun...Kimoun ki te fonde legliz sa a kounye a? Pòl, Efèz.

170 Ann vire tounen kounye a nan Ak chapit 20, jis on minit. Nan Ak chapit 20, epi gade kisa Pòl...Èske n kwè Pòl te yon pwofèt? Sèten, se sa l te ye. Sètènman, se sa l te ye. Sonje nwit sa a, vizyon tanpèt sou lanmè a, e latriye? Kounye a,...ak tout bagay sou li. Kounye a chapit 20 nan Sen...nan Egzò...Ak, epi ann kòmanse kounye a apeprè nan vèsè 27 la-la, epi tandé byen kounye a antan n ap li. Bon, sa se Pòl, yon pwofèt, k ap di davans kisa k ta pral pase.

Mwen fè nou konnen tout plan travay Bondye a san m' pa kache nou anyen.

171 Nom beni sa a! O, m vle kanpe la jou sa a epi gade kouwòn mati sa a poze sou tèt li. Si g on bagay tankou m ka kriye, alò m ap kriye. M ap rele, pou m wè Pòl.

Wè Sen Pòl, gran apot sa a,

Ak rad li ki fèt klere epi bèl;

E m sèten pral gen kèk rèl

Lè nou tout rive la. (Se pa vre?)

172 Kounye a:

...Mwen fè nou konnen tout plan travay Bondye a san m' pa kache nou anyen.

173 Èske se vre? Kounye a, Kretyen, gade nan direksyon sa a; m vle mande nou yon bagay. Kimoun ki te bay lòd bay moun ki te batize yon lòt fason ke nan Non Jezikri pou yo vini epi pou yo batize ankò? [Asanble an di: "Pòl."—Editè a.] Li te preche tout plan travay la. Èske se vre? Ebyen? E kisa Pòl di nan...M kwè se te...M pa sèten kounye a si se Tesalonik chapit 1 ak vèsè 8. "Si noumenm oswa yon zanj sot nan Syèl ta preche nenpòt lòt Levanjil, si yon zanj desann sot nan Syèl epi te preche nenpòt lòt Levanjil ke sa a" (ke kòmande lèzòm pou yo batize ankò nan Non Jezikri, epi Levanjil ke Pòl te preche a)... "Si nenpòt zanj sot nan Syèl" (pa yon...ou pa bezwen pale pou yon evèk, oswa yon kadinal, oswa yon sientandan jeneral, oswa yon pastè, oswa-oswa yon bagay)... "Si yon zanj desann sot nan Syèl epi te preche yon lòt levanjil apa de Sa a, kite madichon tonbe sou li." Se vre. Èske se vre? Sa I te di, sa se Galat 1:8. M jis rive panse a sa. Trè byen, Galat 1:8, si w vle make sa a, gade sa Pòl te di.

174 Bon, men I di...Kounye a 27 la, m kwè vèsè 27 la:

San m' pa kache nou anyen, mwen fè nou konnen...tout plan travay Bondye a.

175 Kounye a tande kisa sa...Sa s on pwofesi:

Veye kò nou, veye sou tout bann mouton... sou... ke Sentespri a...mete sou kont nou. Okipe legliz Bondye a, legliz li te achte ak pwòp san li.

176 Kimoun ki te achte? San kimoun sa te ye? Bib la te di se te San Bondye. Bondye, ak pwòp San L. Èske se vre?

Okipe legliz Bondye a, legliz li te achte ak pwòp san li.

177 Bib la te di nou sove pa San Bondye. Èske n te konn sa? Sètènman, Li di I. Trè byen:

...te achte ak pwòp san li.

Mwen konnen tou, apre m' fin ale, gen chen mawon fewòs k'ap vin nan mitan nou, san yo pa epaye bann mouton an.

Gen moun k'ap soti nan mitan noumenm menm... (Gade, nonm sa a te ka gade desann nan tout sa a epi wè bagay sa a k ap vini.)... soti nan mitan noumenm menm, moun va leve, k'ap pale bagay pèvèti, pou chache rale disip dèyè yo.

178 [Pati blanch sou kasèt la—Editè a.] Dè zane apre antan l...Oswa yon pakèt mesye ki vle fè yon òganizasyon epi pran sa k sakre a-a epi retire Sentespri a nan legliz la, epi mete l sou evèk yo ak pap yo ak prèt yo, pou...yo pral sen, epi asanble a viv nenpòt fason yo-fason yo vle. Epi y ap peye prèt yo epi l pral lapriyè pou yo soti nan lanfè, ak tout bagay kon sa. E sa se yon Nikolayit! E Bondye te di: "M rayi sa a!" Bon koute.

"Kite m wè, epi w di: 'Bondye te di L te rayi sa'?"

179 Bon ann wè si L te di:

Men, malgre sa, ou gen kichòy ki bon: ou pa vle wè sa bann Nikolayit yo ap fè a. Mwen menm tou, mwen pa vle wè yo.

180 Bondye rayi yon òganizasyon. Se vre? Kounye a ou wè egzakteman kisa yo ta pral fè, ou wè sa yo te fè. Kounye a gade nan tout legliz la si yo pa fè sa. Li rayi yon òganizasyon!

Se pou moun ki gen zòrèy pou yo tandé tandé sa Lespri Bondye a ap di legliz yo!...

181 Kounye a, lou Pòl yo vin "Nikolayit." Yo t ap eseye fòme yon sasèdòs tankou sasèdòs Levit la, ki te andeyò dotrin Nouvo Testaman an. Amèn! Mo Nicko a, mo Grèk Nicko a vle di "konkeri, reyisi kontwole." Reyisi kontwole kisa? Layik la, Sentespri a. Retire nan legliz la Seyè Jezi ki resisite a ak siy ak bèl mèvèy nan mitan kwayan yo, epi mete lèzòm vote pou vin yon pap, oswa yon kanal...kadinal, oswa yon sientandan k ap eseye retire Sentespri a nan layik la epi remèt li bay yon lòd ki rele lòd sen lèzòm, mete yo sou tèt layik la; pa pou rele yo pastè ki vle "bèje," men monpè, ke Jezi te di: "Piga w rele pyès moun 'papa' sou tè sa a." Ou wè bagay dyab sa a? Epi kisa n te fè?

182 O, si n te ka kanpe. M swete nou pat gen tout nwit sa yo met ansanm kon sa, m ta renmen pran demen swa sou chapit 12 Apokalips la epi montre nou vye fanm pwostitye sa a ki chita la a, pwostitye a. E li...rezon ki fè se sa l te ye, paske l te komèt fònifikasyon...ak Bondye, epi l te rele tèt li yon vèv, epi tou li t on manman pwostitye. Èske se vre? Bon, nou konnen sa se te Wòm, paske l te chita sou sèt bit, epi tout bagay jis egzaktemen, yon mesye nan li epi se nonm bët la, e latrìye. Nou tout konn sa nan ansèyman anvan yo, kimoun li te ye. Men bagay tris landan l lan, li te manman prostitye yo. Sa se komansman l lan isi a menm, kòmanse nan Wòm kòm yon pakèt Kretyen, swadizan Kretyen.

183 Koute! Bondye ede m fè I reyèl! On pakèt Kretyen nan yon legliz kon sa. Yo vin fòmèl, epi endiferan, epi rale kò yo, epi monte yon òganizasyon pou tèt yo. Epi apresa reyini sa, nan Laj Fènwa a, ak leta. Epi leta ak legliz vin yon sèl kisa? Legliz Kretyen, li te rele "legliz Katolik Sen", (Mo *Katolik* la se, mo a vle di, "inivèsèl"), "gran legliz Kretyen inivèsèl la." Epi rele moun ki pale an lang yo, epi ki rele, epi ki geri malad, e latrìye, "eretik." E alafen yo te fè I sitèlman kontwolan jouk nenpòt moun yo te kenbe k ap adore fason sa, yo te jete I nan twou Lyon yo, si yo pat anbrase Katolisis la. Sa te pase pandan tout santèn lane pèsekisyon sa yo anvan la. Men Legliz sa a pat janm mouri. Ou pa ka touye L. Bondye te di Li tap viv jouk nan lafen epi apresa Li tap ba Li yon kouwòn Lavi. Desann nèt nan laj pèsekisyon sa yo.

184 Epi apre Martin Luther vini pou kontinye laj la epi I te vire legliz la anba jistifikasyon. Kisa k te pase lè Luther te mouri? Yo te òganize I, yo te fè I yon legliz Literyen; yo te g on doktrin. Lè yo te òganize I, kisa yo te fè? Ba I yon dwa denès tounen nan Womanis ankò. Egzakteman vre.

185 Alò Sentespri a te deplase soti nan sa epi Wesley te wè L. E Wesley, ak Whitfield, ak George Whitfield, ak anpil nan lòt sa yo, ak-ak Asbury, ak anpil nan yo te gran mesye ki fè revèy. Yo te sove mond lan nan jou sa a. Yo te g on revèy nan Laj Filadèlfia sa a ki te sove Langletè, ak Etazini tou. Yo te gen reyinyon kote yo te choute yo deyò epi yo te rele yo "egzalte." Noumenm Metodis te ye, te fè sa; Yo tonbe atè anba pwisans Bondye, epi yo te voye dlo nan figi yo epi met vantilitatè pou yo. Se vre. E yo te souke sitèlman fò anba I, jouk yo te gen...jouk yo te di: "Yo te gen sekous." Te gen moun ki t ap bat epi souke anba pwisans Sentespri a. Sa se istwa Metodis. Quakers yo te vini apati de la e latrìye; ke kounye a yo te òganize I.

186 Yo te fè Metodis sa, Metodis Primitif, ak jan de Metodis *sila*, ak jan de Metodis sa a, jouk li vin desann sitèlman ba jouk moun Metodis yo vle retire "San" an nan liv chan yo.

187 Isi a lòt nwit lan, nan yon pwogram televizyon (Manman m te rele m.) yo te g on pastè Metodis, isi a menm nan Indiana, k ap anseye wòkennwol nan legliz la. Te di: "S on wont ke nou pat reyisi wè bél bagay atis sa a k al nan legliz la."

188 Sa se dyab la nan yon fo pwofèt! Se vre! Pa vle blese santiman nou men, frè, se Verite Bondye a sa. M ta pito fè n fache on ti kal nan fason sa a epi fè n etidye Lekriti, petèt mete nou dwat ak Bondye, pase pou n pèdi alafen. Nou ka petèt pa renmen m kounye a, men yon jou nou pral pase bra nan kou m, di: "Frè Branham, sa se Laverite." Men I isi a menm, e yo pral antre nan sa. Sa se kote yo...Li jis la a. Bib la te di yo t ap fè sa.

189 Apresa soti nan Wesley, si Wesley te fè sa, apresa Pannkotis yo vini. Epi yo te gen restorasyon don yo, yo te kòmanse pale an lang, batèm Sentespri a.

190 Jis tankou yon gress mayi te soti nan tè a. Premye bagay la, li pouri. Li pouse de fèy. Apresa li...Ou g on chan mayi, ou panse. Fèy sa a grandi epi l fè yon boujon. Premye sa a, se te Literyen. Boujon an, sa l te ye? Metodis; polenn lan, lanmou fratènèl la, evanjelize a, polenn lan k ap soti al nan lòt yo.

191 Pouki, menm lanati deklare laj legliz sa yo. Metodis ap soti nan kawo...oswa, m vle di, Literyen ap soti nan kawo. Metodis souke lanmou fratènèl li soti, ak jou evanjelik, ak-ak jou misyonè a. Pi gran jou misyonè ke lemonn te janm konnen se te epòk Metodis. Se vre. Souke polenn li soti.

192 Kisa k te pase la? Epi mayi a soti nan polenn sa a, Pannkotis. Yon gress, jis tankou menm bagay la te antre. Pa yon fèy, pa yon pay, men yon gress. E kounye a Pannkotis yo-yo gen champion sou tout gress sa a, jouk li...apèn si w ka menm wè gress lan. Se tan pou netwaye !! Amèn! Kisa yo te fè? Te fè menm bagay Metodis yo te fè. Youn ki te organize yo an gwoup, te di: "Nou se Asamble de Dye." Lòt la: "Nou se Pannkotis Lasentete." Yon lòt: "Nou se Linite a." "Nou se Kwayans nan De yo." Epi-epi gen sitèlman anpil nan sa, ak sitèlman anpil nan yo. O la la! Monte yon chamo ak yon bòs, de bòs, twa bòs, tout bagay. O, gen swasant, oswa trant, oswa karant organizasyon diferan ladan yo.

193 Kisa yo te fè? Yo te voye l dwat tounen nan Womanis la ankò, te batize nan batèm Legliz Katolik Women an. M mande nenpòt Pannkotis montre m kote yon moun nan Bib la te batize nan non "Papa, Pitit, ak Sentespri a." M mande nenpòt evèk. kadinal, nenpòt anseyan, montre m kote sa te janm ye, te janm fèt andeyò de legliz Katolik la. E Luther te pote l avè l, li te retire katechis ak tout lòt bagay ladan l. Metodis te kontinye avè l. Pannkotis yo, nou ta dwe wont! Netwaye! Retounen nan Pawòl la! Repanti oswa Bondye pral retire chandelye a nan nou, Limyè ke n te genyen an. Amèn! Trè byen.

194 Retire Sentespri a kòm Lidè a, epi ba yo yon lòd sen lèzòm, epi mete yo sou tèt layik yo. Epi pa rele yo "pastè, bèje," (Yo sipoze rele nou pastè, "bèje," se sa mo pastè a vle di.) men "monpè, kadinal,achevèk, oswa sientandan jeneral." Sila ki te vrè yo te rayi bagay sa! E Bondye te apwouve l pou yo, epi L te di: "M rayi l, tou!" Paske se Li ki sipoze sientandan jeneral la,achevèk la, ak pap la. Li travay ak chak endividé; pa yon organizasyon, men yon moun.

195 Kounye a, sa dwòl...Koute, antan n ap rive nan fen an. Nou jis g on vèsè an plis.

196 Men nou gen dògm Katolisis la k ap kòmanse, vin apre apostolik. Konbyen moun ki konn sa? Apostolik. Kounye a Katolik la di ke “Pap la jodi a se moun ki swiv Pyè, vin apre apostolik.” Pa g okenn bagay konsa. Kijan dezi chanèl, seksyèl nou ye...Kijan sa fèt ke Esau ak Jakòb te fèt pou yon papa sen ak yon manman sen, epi youn nan yo s on Kretyen epi lòt la s on dyab? En-en. Kijan sa ka fèt? Paske peche se peche, epi sèks se sèks, men Bondye bay Nesans lan.

197 Bondye chwazi nou depi nan fondasyon mond lan. Èske n te konn sa? Ret tann jouk nou rive li istoryen sa yo, epi gade kijan Irene...kijan I bay Bondye Iwanj poutèt Li chwazi I anvan fondasyon mond lan; kijan ke Sen Martin ak tout sa yo, ba L Iwanj; Bondye, Iwanj. Te di: “Paske...” Epi moun ap pale de li, ap di: “Yo te chwazi I anvan fondasyon mond lan.” Sa se Lekriti. Frè sa yo te alien ak Bondye. Men vye legliz fènwa sa a antre nan Laj Fènwa mil senk san zan sa yo, sal tout bagay la tankou yon lanp ak lafimen, rann Limyè yo avèg. “Men va gen Limyè nan tan aswè a,” se sa Seyè a te di.

198 Vin apre Apostolik, youn apre lòt la; yon pap, e ou dwe nan desandans pap anvan w ka vin yon pap. O la la, la la! Sa pa fè sans. Layik la-la...Pa sila ki sen ak jis la, men...kite...kite-kite prèt yo lapriyè pou yo epi retire yo nan peche yo, padone peche yo, peye lajan pou yon konfesyon.

199 Pwotestan yo fè men bagay la! Yo eseye vin...tape pastè yo sou do epi viv tankou rès mond lan. Epi I pa konn pi plis sou Bondye pase l...kite yo rete nan legliz li epi rele yo manm legliz li, epi kite yo rete la epi pwofese ba yo ke yo sove. Ala yo pral gen desepsyon nan jou sa a si yo pa ne de novo! San Sentespri a ou pèdi. Okenn moun pa ka di: “Jezi se Kris,” sèlman pa Sentespri a.

200 Yo pat twonpe vrè Legliz Efèz la pa diskou swa, entelektyèl sa yo. Li...Yo te rayi I. Yo pat twonpe yo, yo konnen; vrè Legliz la pat twonpe.

201 Fo revelasyon ke kanmarad sa yo te genyen a, ki te rele Nikolayit, ki pat kolabore ak Pawòl Bondye a. Di m ki kote n janm wè “yon prèt nan konfesyon” te anseye nan Bib la isi a. Ki kote n janm wè “voye gout dlo” te anseye nan Bib la isi a pou padon peche? Kote n janm wè yon moun ki batize nan non “Papa, Pitit, ak Sentespri a” pou padon peche w la? Kote n te janm wè sa, “Bay lanmen dwat fratènité a, epi mete non yo sou liv legliz la” anndan la? Ki kote n janm wè tout bagay sa yo ye? Kisa I ye? Se yon sasèdòs oswa yon-yon klèje ki pa dwat ak Pawòl la, e yo se Nikolayit, e Bondye te di: “M rayi yo!” Retounen nan Pawòl la. O, sa se...M konnen sa a fò, frè, men mwen—mwen—mwen pa reskonsab; pou Jezi, eksite sou Li.

202 Fo revelasyon, pa ak Pawòl la, men, rele yo “mantè, fo apot, fo pwofèt.” Men vrè Legliz la kenbe ak ansèyman orijinal Sen Pòl la ak batèm Sentespri a, ak siy k ap swiv epi konfime Pawòl ke Pòl te anseye a. Amèn! Montre m kote Bondye ap janm konfime pawòl voye gout dlo a. Montre m kote Bondye ap janm konfime, epi pote pale an lang ak gran bagay yo, jis nan bay lanmen ak pastè a on kote epi mete non w sou liv la; epi toujou ap machonnen, fimen, bwè, bay manti, jwe kat, pran on ti plezi, al...O, mizèrikòd! Sa a chanèl, fo pwofèt, zanmi. Wi, mesye.

203 Fason Bondye a se lasentete. Kite tout manm Kò Kris ki isi a konn sa: jiskaske w viv yon lavi ki sen, Bondye refize sakrifis ou a. Sakrifis la dwe bay ak men ki sen. Sa se...?...vre. Gran prêt la anvan I te ka menm antre pou ofri sakrifis la, li te dwe sen, epi devwe, epi wen, epi pafimen, epi tout bagay, anvan I te ka janm mache nan prezans Bondye pou ofri sakrifis la. Èske se vre? Alò kijan w ka soti isi a epi twonpe, epi volè, epi eksite, epi goumen ak vwazen w yo, epi tout lòt bagay, epi konpòte w fason w fè I la, epi apresa antre epi di: “O Seyè Bondye! Louwe Jezi! Alelouya!”?

204 Moun yo di: “M wè yo k ap pale an lang.” Sa toujou pa vle di yo gen Sentespri a. “M tandé yo k ap rele.” Sa toujou pa vle di yo gen Sentespri a. Sentespri a se Lavi a.

205 Bib la te di: “Dlo lapli tonbe anpil sou tè a, pou prepare li, pou abiye li pou sa l pare pou l fè a,” (Ebre 6) “men li pouse pikan ak pengwen, ki pa lwen pou yo jete, lafen yo se pou yo boule yo.”

206 “Solèy la klere sou jis la ak enjis la. Lapli a tonbe sou jis la ak enjis la.” Lapli an vini pou fè rekòt ble a (konsa n ap rele l), ak chak move zèb ki nan chan an. Si ble a swaf, alò move zèb la swaf. E menm dlo lapli ki wouze ble a, wouze-wouze move zèb la tou. Vye ti ble a pral drese tèt li epi rele: “Lwanj pou Seyè a! Alelouya! Alelouya! M sitèlman kontan pou m gen lapli sa a!” Vye ti move zèb la pral rele: “Glwa pou Bondye! Louwe Bondye! Alelouya! M kontan genyen L.”

207 “Men se pa fwi yo ou va konnen yo.” Se vre. “Pa fwi yo ou va konnen yo.”

208 Vèsè 7 la, e apresa n ap fini, sa se dènye nan laj legliz la. Kounye a n ap gen apeprè senk minit reta, oswa dis, jis on minit.

Se pou moun ki gen zòrèy pou yo tandé tandé sa Lespri Bondye a ap di legliz yo! Bay Sila ki genyen batay la, m'ap ba li dwa pou yo manje nan pyebwa ki bay lavi a, pyebwa ki nan mitan paradi Bondye a.

209 Kounye a gade, zanmi, men fason w reyisi genyen batay la. An premye ou dwe reyisi kontwole, apresa ou ka manje fwi a. Se venkè a. Nou sonje lòt jou swa a, ansèyman yè swa nou an? Jan te dwe antre nan Lespri a anvan I te wè yon bagay. E kijan w pral chita, pou di: "Si I pa Batis, m pap koute l"? "Si I pa Presibiteryen, m pap koute l." "Si I pa anseye jis egzakteman sa legliz pa m lan anseye, mwen..." Ou-ou-ou pap reyisi genyen batay la, ou pokò antre nan Lespri a. Nou tout pa an òd.

210 Antre nan Lespri a, di: "Seyè Jezi, m renmen W, kounye revele m nenpòt bagay ke W wè k bon, jis pote I ban mwen." Lè sa w ap—w ap vin kòrèk. Se vre.

211 Remake, twa fwa Bib la pale de-de Pyebwa Lavi an nan Jenèz, twa faw nan Liv Apokalips la. Lòt jou a nou te gen sa. Nou Sonje? Dimanch, yè. Sèl la... Dyab la rayi chak pati nan Lekriti k genyen, men I rayi, pi mal toujou, Jenèz ak Apokalips. Li atake Jenèz poutèt Li otantik, paske I vle fè moun yo kwè ke Sa pat konsa; "Jenèz pat fin vini nan fason Bondye te di yo te vini a, gen yon lòt bagay ki te lakòz kreyasyon sa a ak bagay." Apresa I atake L fason sa. Epi I rale moun yo Iwen Apokalips paske L revele: Jezi ki se Bondye, epi limenm ki se dyab la (e I kondane), epi glwa Legliz sanktifye ki pral lakay al jwenn Bondye, epi kondanasyon fo pwofèt la, epi tout sa yo k ap bay manti epi k ap fè tout bagay, ke yo pral chase nan lak dife a. Pa bezwen sezi li kenbe yo Iwen Sa a. Men, sonje, tou de kote yo pale de Pyebwa Lavi a nan Paradi.

212 Kounye a ann pran sa jis on minit, e kounye a "Pyebwa" a. Sen Jan chapit 6, si vle make I, Jezi te di: "M se Pen Lavi a-a-a." Kounye a, sonje.

213 Kounye a nou pral sèvi ak de lèt sa yo kòm senbòl isi a. Kidonk, jis anvan n fenmen, kounye a. Bon, sou men dwat mwen gen pyebwa a nan jaden an ki rele Pyebwa "Lavi" a, sou men gòch mwen se pyebwa ki nan jaden an ki rele pyebwa "konesans" lan. Konbyen moun ki konnen ke Bib la di ke gen yon Pyebwa Lavi ak yon pyebwa konesans? Bon, lòm te fèt pou viv bò kot Pyebwa Lavi a, pa pou I manyen pyebwa konesans lan. Èske se vre? E premye fwa I te manyen I, li te separé tèt li ak Kreyatè a. Li te pèdi kominyon li-li ak Bondye lè I te pran premye moso nan konesans. Bon, reflechi byen kounye a. E noumenm k ap ekri nòt nou yo, m ap bay tan konsa nou ka konprann li, paske m pa vle nou rate sa.

214 Jezi, nan Sen Jan 6. Yo t ap bwè nan yon fontèn, e voye men yo anlè epi pase nan tenten la a, ke, papa yo te bwè nan Wòch espirityèl la, e latrìye. Li te di: "Mwen se Wòch sa a ki te nan dezè a."

215 E yo te di: "Men w ap di ke w "te la anvan Abraham,' e w s on nomm ki pa gen plis pase senkant an. Epi w di ke w 'te wè Abraham'? Nou konn sa kounye a, ke, w fou, ou s on dyab." Ou wè?

216 Li te di: "Anvan Abraham te ye, MWEN YE." MWEN YE te nan touf bwa a ak Moyiz; touf bwa ki t ap boule a, MWEN YE. "Anvan Abraham te ye, MWEN YE"; pa "Mwen te ye."

217 Kounye a, noumenm moun yo ki di jou mirak yo pase, nou dwe fè Lekriti sa di: "Mwen te gran Mwen te ye a." Ou wè?

218 Pa "Mwen te ye," oswa "Mwen pral ye"; "MWEN YE," sa se tout tan. Li Etènèl. Mo "MWEN YE" a s on Etènèl, tout laj yo, tout tan, nan tout sèt chandelye lò yo, tout legliz, tout kote, tout kè. "MWEN YE," (pa "Mwen te ye" oswa "Mwen pral ye") "Mwen ye kounye a jan M te toujou ye." Ou wè? "Tout tan, MWEN YE."

219 Yo te di: "Papa nou...Nou pa konnen w. Nou konnen w s on dyab." Te di: "Papa nou manje lamàn nan dezè a pandan peryòd karant an an."

220 E Jezi te di: "E yo tout mouri." Se vre? "Yo tout mouri. Men Mwen..." O! "Mwen se Pen Lavi a ki sot nan Bondye soti nan Syèl. Si...Yon Pen Lavi. Si yon nomm manje Pen sa a li pap janm mouri."

221 Yo te di: "Èske nomm sa a ap bay kò l, pou manje?" "Kounye a li fou, se sèten."

222 Pen Lavi a te sot nan Pyebwa Lavi a, kote yo t ap manje, nan jaden Edenn la. Li te Pyebwa Lavi a. Kounye a, si Pyebwa Lavi a t on Moun, alò pyebwa konesans lan t on moun. Kounye a di sèpan an pat g on semans! Si Lavi vin pa Lòm, lanmò vin pa fanm lan. Trè byen, li te pyebwa lanmò a.

223 Osito ke- kòm sa a souye li, se sa l fè (sèpan an), li di: "Sèpan an sedui mwen." Se vre. Pa on koulèv; li te bèt ki te pi sibtil pami tout, li te ant chenpanke e on òm. Semans on animal pap kwaze ak on fanm, li pap fè l; men nèg sa a te, li te pwochen lyen an pou rive a sa. E Bondye lage on gwo malediksyon sou li, Li mete l plat atè sou vant li, san janm, e L pran tout zo ki nan kò l e L chanje l a on bagay ki lwen sanble on moun. La syans ap eseye detere l nan latè. Sa a kache nan mistè Bondye yo, nan mitan Paradi Bondye. Men revelasyon w.

224 Li fè premye pitit ki te Kayen (pa vre?), pitit Satan an, pitit Satan. Si se pa sa, kote-kote mal sa a soti? Adan, ki te pitit Bondye? Li vin de dyab la , papa l. E l touye; premye asasen an se te dyab la, pitit dyab la.

225 Gade sak rive apre sa, gade desandan Kayen. Tout jenerasyon sa a ki swiv, apre Kayen, chak te gen syantifik ak gran nèg. Li Bib la. Yo bati kay, yo travay ak metal, e yo te dè syantifik. Men tout moun ki vin de fanmi Sèt, (kote Abèl mouri, on tip de Jezi, Li mouri, E Abèl mouri, e Sèt pran plas li: lanmò, antèman, e rezireksyon.) ... de li menm soti dè peyizan enb, moun kap elve mouton soti de sa.

226 Kounye a Jezi di: "Papa nou te manje lamàn nan deza a e yo tout mouri. Men M se Pen de Vi an," (Ki Pen de Vi? de Edenn lan!) " pou on òm ka manje Pen sa e jamè mouri." Kounye a, Bondye plase on Anj otou de Pyebwa de Vi sa a, pou veye sou li pou pèsonn moun ka manyen l, pou si jamè yo ta manje Pyebwa sa a e yo viv pou toutan. Èske se sa?

227 Paske, yo te oblige kontinye sou pyebwa sa a e mouri. Èske se sa? Paske, tan e osi lontan ke se sa yo manje, yo tap mouri. E se sèten ke w mouri paske w manje nan pyebwa konesans sa a ... Kounye a, annou gade pyebwa konesans sa a. Gade sal fè. Kounye a annou gade sal fè. Premye bagay , annou gade, li... Eben, annou gade youn ke yo... li envante poud pou zam. Sa a touye kanmarad nou yo. Se vre, touye youn lòt ak poud pou zam, ki soti de pyebwa konesans lan. Pwochen bagay nou fè, oh lala, annou gade, nou-nou envante otomobil, ki soti de pyebwa konesans lan. Li touye pis ke poud pou zam yo. Oh wi! Kounye a, nou gon bonm idwojèn. Bondye pa detwi anyen, lòm detwi tèt li pa konesans li.

228 Men tout sa yo ki pou Bondye, Bondye pral resisite l; Bondye pa pèdi anyen. Jezi di sa, se vre: "Li menm ki manje Pen sa a, li gen la Vi Etènèl, e Map resisite l nan dènye jou a." Sa se pwomès Li. Kounye a, Bondye...

229 Yo byen lwen, ap manje nan pyebwa konesans lan epi ap mouri. Men osito yo te ka rive nan Pyebwa sa a, yo t ap viv pou tout tan.

230 Alò kounye a olye son Zanj la a k ap kenbe yo lwen Pyebwa sa a, sa deyò a la ap kondwi yo nan direksyon Pyebwa sa a; zanj legliz yo, sèt legliz yo, k ap mennen yo tounen nan Non Jezikri ki se Pyebwa Lavi a ki kanpe nan Paradi Bondye a. Fiou! O la la! M espere w konprann sa. Pyebwa Lavi a ki kanpe nan Paradi Bondye a konsa w ka fè pati de Li epi vin pitit gason ak pitit fi Bondye e viv pou tout tan. "Sila a ki tande Pawòl Mwen yo e ki kwè nan Sila ki te voye M lan gen Lavi Etènèl, e l pap janm vin nan jijman men l ap pase de lanmò al nan Lavi."

231 Frè, sè, kounye a mwen se...mwen...Sèten, m gen...Mwen-m rache nou, blese nou. M-m pat vle fè l fason sa a. Ou wè? Bondye konn sa, men m te dwe fè l fason sa pou m kite nou wè kote n ye. M pa kwè n gen anpil tan k rete nou. M pap eseye retire Kretyènte nan nou paske nou fè pati de on òganizasyon. Se pa sa. Moun yo viktim sikostans yo. Yo pa konn anyen pou yo fè; tout sa paran yo te toujou fè se al mache nan legliz epi bagay sa yo.

232 Men, frè, on bagay anvan n pati, kite m fè sitasyon an plis sa a. Pwofèt la di...Èske n kwè pwofèt yo? Bib la di pou koute yo. Pwofèt la di: "G on tan k ap vini kote pa tap gen ni lajounen ni lannwit, men sa t ap on jan de jou tris. Men nan tan aswè a, jis anvan solèy la kouche, va gen Limyè." Èske se vre?

233 Kounye a gad kisa n genyen. Bon, ann jis gade. Kijan solèy la...Ki kote solèy la leve, nan geyografi? Nan lès. Èske se vre? Li kouche nan lwès. M swete m te gen...M ap pran kat la demen swa epi montre nou. Lè Sentespri a tonbe nan Jerizalèm, Li fè on fòm uit pafè, chimen 1 lan. Li janbe dwat nan Iland lan, retounen dwat, ale dwat ankò, epi vin nan Kot Wès la, epi tonbe dwat tounen ankò; on fòm uit pafè lè Sentespri a t ale. Kounye a, sivilizasyon an vwayaje ak solèy la. Konbyen moun ki konn sa? Yo te anseye nou sa e n konnen 1. Pi ansyen sivilizasyon n genyen se Chin, epi apresa sot nan sa li janbe dwat nan oryan an. E lè Sentespri a, pa s-u-n (solèy), men S-o-n (Fis la)...

234 Lè solèy la, s-u-n la, kòmanse klere atravè bwouya nwit la, kèlkeswa kote semans lan ye, lap viv; paske tout vi botanik viv nan solèy la. Nou konn sa. Ou te ka koule beton sou on mòso zèb, e prentan pwochen, kote zèb ki pi epè a? Nan tout fen beton an. Poukisa? Se vi sa a anba la a, ou pa ka kache vi reyèl la. Ti vi sa a, osito ke 1 konnen solèy lan ap benyen la a, li pral fofile kòl sou distans mwatye on blòk lari prèske, ap deplase anba beton sa a jiskaske 1 ka met tèt li anlè e ale louwe Bondye.

235 Ou pa ka kache Lavi. Se vre, LAVI. Lè ou ne de nouveau ou pa ka kache L. Fòk gon bagay ki pou kriye lè w gen Lavi.

236 Kounye a, tout bagay ki mouri koulye a, e ti semans yo-yo eklate, pulp la fini, e 1 mouri, men vi a toujou la. Kounye a, lè solèy la kòmanse klere nan prentan, ti flè yo pral leve, e tout bagay pral leve tèt yo ankò (sot anba debri bwa, sot anba mòso bwa, sot anba wòch), lap leve ankò, e viv ankò. Se pa vre? Paske s-u-n (solèy la) ap klere.

237 Kounye a, on jou S-o-n (Fis la) pral klere, ki se Otè Lavi Etènèl, e tout bagay ki te jème a Li pou Lavi Etènèl, Li di: " M pral resisti 1 nan dènye jou a." Nou wè sa m vle di? Lavi Etènèl pral resisti nan dènye jou yo. Si yo antere nou nan lanmè a, oubyen yo boule kò w e yo voltije 1 nan kat van ki sou latè a, Bondye pral resisti 1 nan dènye jou a. Si pou w ranpli vant on lyon ki grangou, ouben-ouben ale nan twou dife kap pran tou lè-lè-lè sèz petwòl ak limyè kosmik e tout bagay ki an ou, Bondye pral resisti 1. " Chak gress cheve ki sou tèt ou yo konte." Amen! Bondye pral resisti 1!

238 Kounye a, gade la a. Kounye a, si chak òm mouri pa fanm lan, alò chak òm ap viv pa Lòm. Patisipe ak fanm lan nan janr de vi sa a, ou konnen w pral mouri. Pa gen chape ladann, ou pral mouri. E depi w pran nan Sa, ou pral viv; pa gen chape ladann, ou dwe viv. Amen! Si sa a bay lanmò sèten, Sa a bay Lavi sèten. Se sèl jan ou ka resevwa 1, se pou w gen Lavi.

239 Kounye a, pwofèt la di ke: " Li pral Limyè nan tan aswè." Kounye a gade. Li di pral gon jou ki pral tris, nou pap rele 1 ni lajounen ni lannwit. Li pral on jan gen nyaj, bwouya, on jou frèt, men poutan

Fis la ap bay Limyè a. Tout anlè bwouya yo e nyaj yo e ensidswit, Fis la ap bay Limyè. Sa bay ase Limyè pou w sa mache, e ou ka wè kijan pou w deplase, e ensidswit, men poutan li-li pa fè klè, bèl jounen. Wè? Bon, prèske anyen ka viv nan jou sa a.

240 Si w plante on bagay anba on kote ki pa gen solèy, lap vin piti. Se pa vre? Nou menm agronòm nou konn sa. Mete mayi a nan lonbraj ou on kote, swiv, lap vin piti. Fred, ou ta sipoze konn sa ak ble w. Ou mete l la a, e si w gon move ete, oh, ki frèt, ki gen lapli, lap vin piti.

241 Eben, se sa ki pwoblèm la ak legliz la atravè aj sa yo, li vin piti. Li vin piti pa denominasyon yo, “Mete non w sou liv la. Nou vin gen ase Limyè pou n konnen ke gon Bondye.” M kontan pou sa. “Nou vin gen ase Limyè pou n konne ke gon Kris, gon jijman kap vini. Nou vin gen Limyè; alò nou mete non nou sou liv yo, nou bay pastè a lanmen, ensidswit, e nou fè sa.” Ok, men kounye a se tan aswè.

242 Kounye a, sivilizasyon an soti de lès a lwès, e kounye a nou nan Kòt Lwès la. Nou pa ka al pi lwen; nou travèse, nap tounen nan Lès ankò. Nou pa ka al pi lwen, nou nan Kòt Lwès la.

243 Kounye a, Bib la di: “Nan tan Aswè a, Limyè a pral vini.” Kounye a, ki kalite solèy ki klere nan aswè? Èske son solèy ki diferan de sa a ki leve le maten? Se menm solèy la. Se pa vre? Eben, alò, kisa Bondye te pwomèt? Kounye a nou pral vin sou li, kanpe, isit menm nan laj sa a. Bib la di sa, map pwouve l, aj egliz sa yo, alò ke nap kontinye, sa, “Nan tan aswè, ap gon Limyè ki pral klere nan Lwès la ki pral fè Solèy Jistis la tounen ak gerizon nan zèl Li yo. E menm siy yo e menm mèvèy yo ki te fèt isit la nan Lès la pral fèt isit la nan Lwès la, avèk on lòt devèsman Sentespri a nan dènye jou a.”

Pral gen Limyè nan tan aswè,

Chemen Glwa a, wap jwen li se sèten;

Nan vwa dlo sa a, Se Limyè jodi a,

Antere nan presye Non Jezi.

Jèn ak granmoun, repanti de tout peche nou,

Sentespri a pral sètènman fin antre;

Limyè aswè yo rive,

Son reyalite ke Bondye a Kris fè youn.

Oh, pral gen Limyè nan tan aswè,

Chemen Glwa a, wap jwen li se sèten;

Nan vwa dlo sa a, Se Limyè jodi a,

Antere nan presye Non Jezi.

Jèn ak granmoun, repanti de tout peche nou,

Sentespri a pral sètènman fin antre;

Limyè aswè sa yo rive,

244 Menm bagay ke Pyè te di: “Map kite nou konnen, ke Bondye te fè menm Jezi sa a, ke nou krisifye, tou de ni Seyè ni Kris.” Li te di: “Repanti nou ckak, epi batize nan Non Jezikri pou padon peche nou yo.”

245 Kite m di nou on bagay. Antan m t ap pale lòt jou a sou *preskripsyon doktè* a. Moun yo pa renmen pran preskripsyon doktè a. Si l gen on—on remèd k ap trete maladi w la, epi w re-pa reyisi...ou refize pran l, se pa fòt doktè a ke w mouri. Non, mesye. Se fòt ou, paske w refize pran l.

246 E kounye a, si doktè a ekri on preskripsyon epi l...epi w mennen preskripsyon sa a bay on famasyen chalatan, epi l mete on bagay ladann ki pat dwe ladann, l ap touye w, tou. Èske se vre? Doktè sa a te etidye sa jouk li konnen gon bon kantite nan preskripsyon sa a ki se pwazon, pou l touye mikwòb ki nan kò w; epi gen ase antidòt ladann pou deranje pwazon an konsa l pap touye w. E fòk li nan bon nivo. Si w mete twòp antidòt, li pap ede pasyan an; mete twòp pwazon, l ap touye l. Fò l balanse.

247 Kesyon an se te: “Èske pa gen remèd nan Gilead? Èske pa gen doktè la?” se sa pwofèt la di. “Alò poukisa maladi pitit fi M lan pa geri.” Ki pwoblèm legliz lan? Ki pwoblèm ki fè nou gen twòp ansyen legliz ki malad? Paske nou te gen kèk famasyen chalatan ki t ap bay move Preskripsiyan. Se vre. Li pat janm di: “Papa, Pitit, Sentespri,” Li...

248 Kisa Preskripsiyan an di? Men Pyè. Konbyen moun ki konnen l te gen kle Wayòm lan? Jezi di sa. Kisa L te di? Nan lòt mo, li te gen lank plim pou Preskripsiyan an.

249 Lè yo tandé tout bri sa deyò a, (Yo t ap rele, pouse rèl, pale an lang, epi t ap rejwi sitèlman.) e yo di: “Mesye sa yo plen ak novo diven.”

250 Pyè di: “Sila yo pa plen ak novo diven, jann sipoze a, nou wè se twazyèm lè nan jounen an. Men sa a se sa ke pwofèt Jowèl la te pale, ‘Sa ap rive nan dènye jou an,’ se sa Bondye di: ‘M ap vide Lespri M sou tout chè. Pitit gason w yo ak pitit fi w yo va pwofetize, e M ap vide Lespri M sou sèvant mwen ak sèvitè m, e yo va pwofetize. E M ap montre siy anwo nan syèl la, ak anba sou latè a; dife, ak lafimen, ak vapè. E sa va rive ke kèlkeswa moun k ap rele Non Seyè a pap...va sove.’”

251 E an plis li te di sou David, li di: "Zansèt David te wè l davans, e l di: 'An plis chè mwen va repoze nan lespwa paske L pap kite nanm Mwen nan lanfè, ni L pap kite Sila Ki Sen Li an sibi koripsyon.' Kite m pale lib avè nou, frè, de zansèt David. Li ni mouri ni antere, e tonm li avè nou jouk jounen sa a. Ou wè, men li, antan ke pwofèt, li te wè rezirèksyon Kris la. Kite nou konn sa, ke Jezi sa a, ke nou te krisifye ak men mechan, Bondye te fè l tou de ni Seyè ni Kris."

252 Lè yo tandé sa, sa te pike kè yo, epi l di: "Mesye ak frè," oswa: "Doktè Simon Pyè, ekri Preskripsyon an pou nou. Kijan n ka gen Sa? Nou vle on remèd pou peche." O!

253 Kounye a gade l, sa l di. Kounye nou wè ki kote legliz sa yo te deraye. Li di: "Tann on minit! M pral ekri on Preskripsyon, e sa pral on Preskripsyon Etènèl. L ap pou nou, ak pou pitit nou yo, ak pou sila yo olwen, ak memm pou otan moun ke Seyè Bondye nou an va rele."

254 Kisa l di? Kijan l te regle l? Tankou Katolik la genyen l? Tankou Batis la genyen l? Tankou Metodis la genyen l? Chak nan yo te ajoute on bagay oswa te retire on bagay ladan L. Tankou Pannkotis yo? Yo ajoute oswa retire. Men kisa l te di? "Repanti, nou chak, epi batize nan Non Jezikri pou padon peche nou yo, e nou va resevwa don Sentespri a." On Preskripsyon Etènèl! "Li pou nou, ak pou pitit nou yo; sa pral dire nèt ale desann nan chak laj legliz, bay Li pou yo chak."

255 O Bondye, netwaye men m. Netwaye kè m, Seyè. Ke...Si sa pran tout zanmi ke m genyen, kite m bay Preskripsyon an fason Doktè a te di pou bay Li.

256 Se pou rezon sa a nou gen sitèlman anpil legliz ki mouri, sitèlman anpil manm legliz ki mouri. N ap ajoute antidòt, e retire sitèlman bagay ladan L jouk Preskripsyon an pa limenm ditou, li pap menm geri anyen; bay lanmen, ak mache nan legliz yo, ak voye gout dlo. O, mizerikòd, sa se pa Preskripsyon an, sa se lannmò. Si n vle Lavi, e nou vle Sentespri a, swiv sa Bondye te di fè. Pran Preskripsyon an! Se egzakteman fason sa l te di: "Pa ajoute ladan L oswa retire ladan L." Apresa men Revelasyon an vini dwat epi l di: "Kèlkeswa moun ki va retire oswa ajoute, menm bagay la va retire (pati pa l la) sot nan Liv Lavi a." O la la, sa se Doktè *prensipal* la. O, m renmen L. Ou pa renmen L?

257 O, pou gran laj sa a, Laj Efezyen an, lè erezi sa a jis kòmanse glise antre, pou fè òganizasyon yo. Epi pastè ak dyak...oswa pa dyak yo, men pastè...pa pastè yo, men Kadinal yo, evèk, pap, sientandan legliz la, ap di Sentespri a, ap di Legliz la: "Kounye a, nou pa ka gen sa a isi a!" Kimoun ki bòs, tout jan?

258 Yo te mande Pyè sa on fwa. Yo di: "Ou pa ka preche nan Non Jezi ankò. Ou ka preche si w vle, men pa nan Non Jezi." O, dyab la rayi Non sa a!

259 Pyè di: "Sa kòrèk pou mwen pou..." Bib la di: "Pyè ki te plen ak..." (denominasyon?) O, aa, "...Sentespri a." Li di: "Tann, mwen pral wè sientandan jeneral la, pou m wè sa l di pou m fè sou Sa."

260 Kite m di nou. Èske n te konnen ke Asanble de Dye yo gon sikuat ki pou jije, epi pou al mennen misyonè yo devan on sikuat, pou wè si nonm sa a mantalman kapab vin on misyonè? Asanble Bondye Pannkotis yo. Konbyen moun ki janm tande sa? Sèten, tout la a, tout moun konnen. Sèten. Kimoun ki pou egzamine misyonè a epi ki pou jij la, sikuat la oswa Sentespri a? Ou wè, se sa w jwenn, lè w gen lòm. Ou wè, teyori lòm fè, doktrin lòm fè. Tann lè nou rive nan laj Pannkotis sa a! Bondye pral boule bagay sa a sèten menm jan ak mond lan. Wi, mesye. Wi, se vre. E ou pral wè l ap pran dife jis rive anba nèt. Uh, hum. Egzakteman.

261 Men on jou glorye L ap vini. E sonje, koute, gen sèt laj legliz. Èske se vre? Gen sèt laj legliz. E w sonje lè yal rankontre Epouz la-Lemarye, dòmi te pran kèk nan premye lè a (Èske se vre?), dezyèm lè a, (Sèten, pa-pa mouri, dòmi pran yo.) twazyèm lè, katryèm lè, senkyè m lè, sisyèm lè; epi nan setyèm lè a on son vini: “Men, Lemarye ap vini! Soti al rankontre L!” Kisa k te rive? Tout vyèj sa yo ki t ap dòmi, yo leve.

Nan jou maten klere ak san nyaj sa a lè mò an Kris la va leve, (San nyaj, Limyè aswe a va klere.)

E maten an leve Etènèl, klere epi bèl;

Lè sila ki sove sou latè va rasanble nan kay yo ki nan syèl,

Lè lapèl va fèt nan Syèl la, mwen va la.

Lè lapèl va fèt nan Syèl la,

Lè lapèl va fèt nan Syèl la,

Lè lapèl va fèt nan Syèl la, mwen va la

Lè lapèl va fèt nan Syèl la, mwen va la.

Ann travay pou Mèt la depi douvan jou jis solèy kouche,

Ann pale de tout lanmou ak swen mèveye L yo;

Apresa lè tout lavi fini, epi zèv nou sou latè fini,

Lè lapèl va fèt nan Syèl la,...

Chak pitit Bondye leve men nou kounye a:

Lè lapèl va fèt nan Syèl la,

Lè lapèl va fèt nan Syèl la,

Lè lapèl va fèt nan Syèl la,
Lè lapèl va fèt nan Syèl la, mwen va la. (O!)
Nan dousè pazapa a,
N ap rankontre sou bèl rivaj sa a;
Nan dousè pazapa a,
N ap rankontre sou bèl rivaj sa a.

262 Èske n renmen ansyen chante legliz yo? O!

Bay Papa jenere nou an ki anlè a,
N ap ofri omaj lwanj pa nou,
Pou kado glorye lanmou Li,
E benediksyon k ap onore jou nou.
Nan dousè pazapa a,
N ap rankontre sou bèl rivaj sa a;
Nan dousè pazapa a,
N ap rankontre sou bèl rivaj sa a.

Kounye a bay lanmen ak on moun nan viwonn nou, nan tout viwonn lan kon sa. Se byen.

Dousè pazapa a, (Di: "M ap rankontre w frè.")
N ap rankontre sou bèl rivaj sa a;
Nan dousè pazapa a,
N ap rankontre sou bèl rivaj sa a.
Nou va chante sou bèl rivaj sa a,
Chante melodi...(Tout moun chante l kounye a.)
Epi lespri nou pap soufri ankò,
Pa on souf pou benediksyon repo nou.

Tout moun, ak men nou anlè:

Nan dousè pazapa a,

O, n ap rankontre sou bèl rivaj sa a;

Nan dousè pazapa a,

N ap rankontre sou bèl rivaj sa a.

263 Ak tèt nou bese kounye a, ann di sa: Seyè Jezi, [Kongregasyon an di: "Seyè Jezi,"—Editè a.] M renmen W. ["M renmen W."] M kwè ["M kwè"] ke Jezikri ["ke Jezikri"] se Pitit Bondye, ["se Pitit Bondye,"] Bondye ki manifeste ["Bondye ki manifeste"] nan lachè ["nan lachè"] pou retire peche m. ["pou retire peche m."] M pa fè merit m yo konfyans, ["M pa fè merit m yo konfyans,"] M pa g okenn, ["M pa g okenn,"] men mwen solanèlman ["men mwen solanèlman"] mete konfyans ["mete konfyans"] nan merit ["nan merit"] Jezikri ["Jezikri"] ki se Sovè mwen, ["ki se Sovè mwen,"] Bondye mwen, ["Bondye mwen,"] Wa mwen. ["Wa mwen."] M renmen L. ["M renmen L."] Amèn. ["Amèn."]

264 Demen swa a sèt è, si Seyè a vle, n ap pran legliz Smin lan.

Nan dousè a...(Ak tèt nou bese kounye a)...O, pazapa,

N ap rankontre sou bèl rivaj sa a;

Nan dousè pazapa a,

N ap rankontre sou bèl rivaj sa a.

Kounye a dousman, tout moun, dousman:

O, bay Papa jenere nou an ki anlè a,

N ap ofri omaj lwanj pa nou,

Pou kado glorye lanmou Li...

[Frè Branham pati pandan kongregasyon an kontinye kantik la—Editè a.]

